

東洲艸堂詩鈔



02292

東洲艸堂詩鈔卷二十

道州

何紹基

子貞

題金肩生觀察湖舫延秋圖

客為魏默溪孫子蘇戴醇士及吾弟子敬各攜金石

書畫 戊午 同賞

撇掌金石滌塵氣乍入汀鷗渚鷺羣各有秋懷無可說蒼茫齊化作煙雲

孤桐為撫絕餘絃余方訂默溪遺集魏子孫郎已渺然子蘇亦作古人山色湖

光渾不覺東風西子二千年

排日句留湖水濱嬉游多遇少年人勸君脂盞勤調取好繼延

秋畫冶春余新正巳五次游湖上

吳門得崇雨舫山東書並詩次韻卻寄

江山清佳隨處有難得次第落吾手語鈴道人官秩尊要說山

東洲艸堂詩鈔卷二十

川讓緩安平生游事雖艸艸止得堂階遺戶牖固然眼福得饒

餘也須腳力勤馳走燕齊吳越一歲周天公餉我亦何厚醉餘

萬畫勝持杯埽徧千詩不須尋清風明月為導引山僧谿僮皆

我友今晨復看可園梅昨宵尚醉杭州酒

杭州梅花處處有都疑種自君復手冷香幽意忽齊開欣動湖

頭各詩安朱莊百樹繞亭沼蘇祠五色絢闌牖孤山老鶴招不

來古井潛龍旋轉走人事從來有廢興地氣何曾分薄厚我來

憑弔動悲愴恨不除荒勤秉帚一編淮海疑有靈舉墜重興期

我友湖光山色可憐人十日春陰如中酒日前買得秦淮海集

得淮海與韓才兩木主於地牆下適戴醇士方少故胡次瑤飲我於朱莊因屬諸君重修古蹟

兄弟別來七年有感動鬚眉欣捧手聯牀十日又分離白首相

依羨農安丁巳嘉平廿八日到杭州看吳門小住值鐙節春波

魚上花繞牖朵雲翩自山東來一諾邀余渡江走雪花飛舞紛
枉紙興逸詞高兼誼厚平生散漫逐飛蓬強復矜持如縛帶江
南況是君舊游莫把遲來怨狂友昨宵大醉白公祠冷日和詩
聊止酒

趙步宗世丈暨配曲夫人七十有一雙壽詩並敘

咸豐丁巳嘉平月余南游至吳門趙靜山中丞館余於
滄浪亭之可園過從諧際猶辛亥壬子閒經武昌官寓
時也越明年戊午正月穀日值世丈步宗先生七十有
一覽揆之辰靜山開閣延賓爲先生暨德配曲夫人舉
雙壽之觴夫人與先生同歲生相駐之敬

錫命之榮四世一堂耆齡偕老於八座中尤爲人瑞適余省
弟杭州逾期始返靜山欲得一言補祝余曰古之稱壽

東洲艸堂詩鈔卷二十

十一

者非必誕曰介雅之詞無時不可何云補耶昔聞之靜
山曰吾祖侶曦公以名孝廉老於巖穴躬躬著述外惟
以周卹族儔爲急吾父承親志義漿仁粟無矜無嗇惟
恐少拂堂上心旣補弟子員不復謀進取專督家政排
難解紛鄉里欽服有王彥方之風講求經世之務於武
備地理之學尤爲精貫吾母井臼操作家中衣履多出
手製十指恆敝削後雖貴盛尙劬勞如農家婦蓋大端
可述者如此紹基交游徧天下先文安公門下士魁儒
碩輔森列中外稱極盛而布帛菽粟根底性情閭然不
章澄然不滓罕有如吾靜山者固其得天之厚抑亦世
德清芬有以植之也始服官楚北有趙青天之名

今上御極擢守松江甯觀察常鎮通海六年甫陳蘇臬

命攝巡撫旋即真除悃悞之吏膺茲

特達固

天子簡拔之神亦卽先生教忠之效歟連日畱飲署齋兩人相對如鄉塾老儒見其襪被蕭然高衙獨處謂何柰寂若是則應曰兩親俱年高屢請迎養不見許每家書至惟諭以時事方殷宜竭力報稱勿以老人爲念雖知兄弟子姪愈唯滿前簡書之畏望雲之思五中交集何暇吟燕寢清香乎余不禁停杯感歎謂此孝思之言卽純臣之志矣因雜選書之竝繫一詩爲先生與夫人壽其詩曰

汾霍孕靈秀弧婺垂精神燕喜頌賡魯介眉風涸函板輿憚行路庭誥勤書紳謳歌太翁媪感徧吳官民通家連誼雅子舍接

《東洲艸堂詩鈔卷二十

三

清塵雖遲登堂拜何異奉几親東風爛梅花北斗斟其醇篤哉德門慶鋪作江南春

潘星齋少宰屬題漸江和上畫卷因其近有桃花句余甚喜之輒題小句

嶢嶢玉骨畫禪餘仿佛枯藤勁鐵書誰似小鷗波裏景桃花紅煞釣人居

題韓履卿所藏蕭梁造像

始興吳平雙鬣鳳外有井闌鶴銘字稜稜佛背一尺餘乃得蕭梁石墨二梁家天子屢捨身檀施忍辱欺臣民當時造像定不少疊遇火宅成煙塵穹窿之麓太湖浚負土荒山韓孝子精神所感石佛來蒙被哀憐淚如水亾靈渺渺冥福資幽明理隔半信疑樸語使人心骨痛報恩須及在生時

履卿自題句

題潘味琴庶常桐陰待月圖

琴聲澹妙劇飛越天上清鏘動宮闕塵埃卑煩琴事稀孤負高
空好明月桐陰有人停錦囊侶坐海上世味忘瓊樓玉宇咫尺
見雲濤滿眼方蒼涼

朱筱漚綺窗春訊圖廿年前小照也戊午燕九日同人

冒雨看梅花於通濟寺余與筱漚皆與爲題四句

春信誰從冀北傳當時覓句尙華年今朝細雨橫塘路直爲梅
花到老顛

韋公公祠落成示王雪軒湯鶴樹查耕麓朱筱漚

重瞻草白古祠新勝賞兼撥虎阜春根氏性情風化出千秋循
吏總詩人

星齋少宰荅詩有它日還同緩宴約結廬須傍萬桃花

東洲艸堂詩鈔卷二十

四

之句因衍之復得七絕句

春風要把豔才誇一片漁歌入晚霞卻怪沿谿三十里從來不
長白桃花

紅衣本合釣師加爛漫偏宜物候奢細雨斜風欹鷁笠鱖魚新
水養桃花

扁舟八尺短篷斜半在谿頭半在家兒女青紅翁醉倒一家人
面似桃花

幽人來訪老漁家邨北邨南水幾又破屋被它紅煞了漁郎不
見見桃花

摩空賦筆

帝褒嘉賸得清閒寫物華紅杏尙書原有例侍郎銜合暑桃花
君方黼黻

玉皇家我已扁舟在水涯卻恐故人尋不著結廬先擬避桃花
春來到處句籠紗綺語刪餘似斷霞笑問梅花公案後誰從古
德證桃花

醇士侍郎畫春波圖寄墨緣大令屬東洲居士題首漫

綴短詠

侍郎搖筆皺成波寄向吳門遠思多一夜東風無限浪盈盈春
水似秋河

焦山題月輝上人閒雲護鼎圖

一鼎一仙銘山因金石靈不隨烽火去雲護海門青

召伯晤楊簡侯同年

七年一晤笑開顏離合無端竟等閒安得清尊三五日爲君細

說蜀中山

簡侯昔擢川
北道未到在

東洲艸堂詩鈔卷二十

五

到濟南小詩奉返雨舫中丞

江南未敢戀芳菲水驛山程捷似飛余南游度歲幾
爲吳人所留春逐馬蹏
隨路老人如燕子隔年歸明公文武資行部岱嶽雲煙正滿衣
卻笑愁吟方擁鼻迎門先喜見旌旗余避風不能出而書院
門外爲公入署所必經

語鈴道人背臨凌虛臺記見贈竝詳示坡公作記始末

爲之一快走筆成篇

年少早登第外吏嫌麤疏客坐託假寐臺記多擲揄雖云未更
事氣足懾萬夫遂令千載下石墨珍璠璣較之壯老迹固合左
右符語翁有微尚繡漪如寶蘇見我近獲帖疏解發其樞背臨
更見惠奇光生坐隅從來手運筆要使膽滿軀少時貴樹立漸
漸堅神膚老大更傑卓元氣如在雛我病正疲茶牀席困朝晡
聞公發此論筆健不用扶颺颺風雨作奕奕蛟蛇紆先生實起

予談笑病魔驅坡乎追可及游戲非區區

韻
四月朔日雨船中丞生日小詩奉賀用坡公病中大雪

我來大江南春禽已鳴和我行泰山麓煙雨寒無柰飛沙撲面
至游絲向空墮明湖水淨淥十日顛風簸新葦方丰茸紅藥已
璨瑳時光箭離弩人事蟻旋磨榆錢過百萬狼籍不成貨難買
餘春回已被炎節挫自抱負薪憂久隔揮塵座賴有澹蕩懷漸
起睢盱臥癡孫強扶行曳杖閱坑垆艸堂有新築灑掃絕塵沲
帖摹靈芝遺書補老蝨破種蔬不滿畦晴雨麤可課欣聞千里
澗已拯萬家餓何物壽公堂茲爲覽揆賀

時方重刻李北海法華寺碑

題智師干文

右軍書派自大令已失真傳南朝宗法右軍者簡犢狎

東洲艸堂詩鈔卷二十

六

書耳至於楷法精詳筆筆正鋒亭亭孤秀於山陰斐几
直造單微惟有智師而已永興書出智師而側筆取妍
遂開宋元以後習氣實書道一大關鍵漢可慨歎辭嗣
昌刻石計當狂爲梓州陝西轉運副使時故止見長安
崔氏本且云置之漕司南廳然所云八百本施於江東
諸寺者何以南方絕無聞見孫退谷云今尚有墨迹存
世恐亦傳聞之詞未曾目覩確知也翁覃谿以歐陽不
見全本趙氏不入箸錄徑凡斷以爲宋初書迹辭氏不
當遽以入石且謂辭氏能品鑒定武蘭亭非不知古書
者亦誤信而鐫勒之又謂顧亭林精攷金石亦收入此
帖並疵退谷推重辭氏之功爲謬辭氏父子固皆以翰
墨名卽顧孫二子之精核亦豈翁氏所能企特以生平

祖述廟堂醉心趙董習爲敲側故於此帖之橫平豎直
有意貶之耳先文安公藏宋拓本臨仿有年每以橫平
豎直四字訓兒等余肄書汎濫六朝仰承庭誥惟以此
四字爲律令於智師千文持此見久矣未敢宣諸楮墨
也甫舫中丞工書耽古出示一本雖非宋拓然神采腴
潤飛動自是數百年物假歸與家藏本對看無端觸發
一洩鄙私質之雨翁以爲何如也鋪張大指復成一詩
右軍書自南朝尊蕭羊王謝相叩捫官奴難嗣況餘子傳之方
外七代孫團蒲曲几書千文八百本止一本存迄今是否有墨
迹無由訪徧江南村宋初官帖稱祖石千家撫刻枝葉繁手眼
獨出有薛氏父子弟兄精討論蘭亭而外智師帖爲書律挽狂
瀾奔棐八流傳此血乳唐人時亦窺籀樊永興側筆紊師法寢

東洲艸堂詩鈔卷二十

七

至楷則失宋元烏乎此事非小技忍令正變淆流源覃谿詩僻
字亦鈍金石之氣非不敦特矜博見出谿刻敢蔽後學爲僿言
先公勤習閱年歲意境直造鐵葉門小子肆書慚負荷謹從平
直求巨根語鈴道人真有道擊力健運翔鵬鳴和詩既許有同
調論書見謂能知言公餘不廢譚菽樂石墨磊落諧琴樽乍合
兩美相視笑忽據咫尺忘厭煩欲從實際見本末敢憑私意爲
輕軒唐突蘇齋奚足計千載伯施誰訟寃

送陳弼夫都轉勘河出省

忽聞輕騎出城關帽影剛迎夕照殷欲拯時艱先治水恰逢佳
節且看山知君合副森舟望歎我空將酒盃間早晚好風傳析
木旌麾未待隔句還

朱伯韓由都下來邀同稽春源牛仲遠李仲衡吳後亭

朱時齋王子梅小集新築艸堂伯韓有詩賦此奉答

平生性迫不暇嬾老來漸漸成迂緩隔年經始得茅堂今日落成呼酒盃諸君懷抱皆權奇選客務精何厭遲消寒餘味到道署甫後猶談喜雪詩讀畫看碑非不韻苦念時艱多感憤九河故道費重尋萬里梯航不堪問庭花光接天上星夜色蒼茫晴不扁壁間翠墨盡飛動古人何忍爲獨醒高軒幸逢眞御史愷論清篇動盈紙聲名駭俗已廿年塵土汗衣忽千里我來江南將倦游君方發軔從齊州一片明湖供藻繡幾時滄海拯橫流題張文敏咨底奏稿劄記手書冊

國史本傳文敏以康熙四十八年成進士入詞林直南齋遲回館閣者二十餘年至雍正十年擢少寇攝大寇十一年眞除十三年爲撫定苗疆大臣以無功獲咎乾隆元年赦令出獄修書二年授閣學五年擢少寇七年

東洲艸堂詩鈔卷二十

八

晉大寇九年十二月以父憂歸十年正月卒於徐州蓋前後任秋官者十年中間以重修律呂正義及撰擬文廟樂章曾管理樂部耳未嘗移它部也初攝大寇即奏請更定律例大事再任少寇奏各省未發新書擬罪必遵舊例請於舊輕新重者俟奉到日遵行舊重新輕者刑部卽引新書更正皆奉

允行其它所奏議皆以慎重欽恤爲主蓋生平究心律例務持大體故克膺

眷倚久於其職奏章公牘艸創多出手裁卽是冊咨底奏底劄記可得其大凡矣本傳載乾隆七年疏駁都統李愷所奏重利放債借債人自首免償例已經律例館刪除

不准引用蓋卽是冊中第二摺事而此稿無刪除舊例之語然則此尙非定本也當日廷評之議此種筆墨何止多如束筍隨意走筆兼露舌鋒精悍之氣流溢行間如見其掀髯論比令它人百喙俱廢也兩船中丞醉心遺墨得此尤珍祕之蒙以見示輒爲題後竝係以詩又稿中有云市平銀一兩換大制錢九百上下或八百五十上下米色雖高下不等市價以八百文上下爲率承上文謂一石也余於嘉慶丙寅隨侍入都其時銀價尙與此相似米價之賤則未聞似此者想見太倉之粟陳陳相因如西京文景至武帝之初也因附著之

滄惟

憲廟年執法尙嚴明張公起侍從奏瀛多持平

東洲艸堂詩鈔卷二十

九

高宗御極初鑒其忠讜誠一蹶乃再起十載職秋卿章牘每手艸間侃非競爭卽茲一二事塗乙或屢更況積歲月久悉務情法精嚴祕白雲庫遺楮當連簏惜爲蟬蝨飽氣乏斗牛橫嗟此卅二紙落世如瑤瓊疑從破書篋得自孔家甥今由曲阜尙枉兗州城惟公本碩學奕葉書藏楹讀律見經術審樂知正聲春秋氣舒斂臯夔職重輕生秉殊絕姿迴出詞流英如何百年後僅以八法鳴特因

懷舊詩見許米董弁義之後一人

天獎得殊榮傳聞折臂創渥荷

聖懷傾

三朝侍香案千春流盛名遂以翰墨重致掩學識閩香老居士題躔紛充盈獨於天瓶齋片簡百縑摯連年按部出於魯方

祠兵采風有餘力，諏古多遙情。獲此賞且跋，蛇蚓相迴縈。明湖快雨來，節院晚風清。觴我珍珠泉，古墨映澄泓。最後持示此，謂宜有題。贖吾意，枉表微寸莛。發鯨鏗，公書世知重。不待老蛟評。

題雨舫所藏聖教序弟二本

懷仁集書果精選，字字騰空筆轉。匠心慘澹與聯屬，架構瑰奇不平衍。流傳宋墨，能有幾價。直連城矜所鮮，昵古多嫌。不變化效，輦容易成。枯瘞我雖微，尙枉北碑山陰。棐几麤亦窺白雲，淡處舊題本偶然。臨寫自笑癡香南居士，富藏皮空山堂物來。追隨七佛同龕見一佛，風神完美信如斯。白雲淡處藏本乃孫退舍物也今在余齋

閔邸鈔知張詩舫少宰以捐置義田奏請地方存案

御賜誼篤宗支扁額賦詩寄賀

聖人陶物如大造，未須木鐸家家告。誼篤宗支四字裏，感徧人

東洲艸堂詩鈔卷二十

十

間化慈孝江南門，第婁縣張奕葉華資盡。高踰捐田贍族計，不朽祖孫用意還相肖。

三霄寶墨輝

天題五色祥雲蔭，家廟定蒸吳俗仁。愈敦更歷海波澄，不嘯詩翁猶望典。銓衡兼司京輔，培學校要使士氣歸醇和。兼振民風脫浮暴，俸餘特重本根。比躬行允爲鄉國導，恭禱

帝獎意淡遠，冀勸朝紳齊則儆。豈無華膺膏於宗，止潤身家光不耀。先公清宦老春明，薄置珍疇供普淖。邇年頻疊罹烽火，多恐荒蕪長藜藿。瀟疑何日遂歸耕，祠宇還須重度料。江湖鄉思空茫茫，南北浮蹤猶徂徠。傳聞盛事生感激，敬賦小詩爲宴樂。

次前韻荅王子梅兼送朱伯韓南遊

書堂養就先生嬾，衣履沓拖行步緩。有客來同苜蓿盤，尙能醉

汝葡萄盃難得朱翁意興奇
拔英索儔但愁遲團扇題殘湖上月明珠投偏篋中詩王郎翩翩富風韻聽鼓餘閒仍發憤典衣時買破書回昵古頻將奇字問鐵公祠畔逢客星來鶴山堂長不局炎天走簡馬蹏脫夜雨敲門烏睡醒笑我投閒稱舊史老作蠡魚滄古紙朱王先後枉佳篇空復繼聲慙下里跌宕難忘昨歲游酒痕詩印滿

皇州恩惠會合還離別送客乘風萬里流

去年三人俱在都下

五日小集次韻荅門人陳薊門

我昔持節淵雲鄉鋒車歷徧岷山陽古稱才士富西蜀敢信逸羣逢九方少年秀出有陳子德器醇美詞筆長近因隨侍游歷下其我一庭文字香時兩孫從學卻緣旅居念鄉井每逢佳節增傷皇幸侍尊公未霜鬢且同宴坐紆愁腸是日邀石鄰先生並合阮達齋同酌宣室

東洲艸堂詩鈔卷二十

十一

早對幾賈誼郎潛晚遇多馮唐架上圖書任披覽座中富貴真尋常玉堂金殿況非遠舟楫霖雨吾所望朱老直聲在天下伯韓同座試咀名論如瓊漿祇余老嬾百事廢閒醉冷吟槐樹旁講舍中槐多樹頗

題雨舫中丞聖教序弟一本

二十餘年集書罷乃信將軍一筆寫想見仁師八法精前後智素宜方駕昔嫌姿媚出顧盼今覺橫奇多變化肥畫全包血肉豐細筋內注神光射珊瑚玉樹交柯生傑閣飛樓向空跨倘非瓊蟻到古先豈易山蟻動驚詫香南居士識力卓擁戴墨皇書必霸黃金白璧曾不吝細注閒評豈罅罅萬三千里性命其雪山蘆定險不怕歸來一笑對妻子古墨精靈相慰藉我亦祕有渠八珍肥本黃庭雨枕風颿隨傳舍不知相望就尹邢謂宜並時如

嵩華開嶠互賞尋妙斲竝八默觀脫炎夏延平劍氣偶一合光
燭齊州天不夜

題北齊乾明元年孔廟碑舊拓

篆分行楷各門庭分楷相兼豈典型古拓妙傳沈博意漫拈由
字證蘭亭不敢附會覃銘

雨舫見和題懷仁聖教之作疊韻答之

講堂文字丹鉛罷揮汗臨池不停寫垂楊生肘筆如飛時余患熱癩
老樹當門車嬾駕語鈴道人職鎮撫齊魯傾風戴威化餘事平
生翰墨場毫端萬丈光艾射詩懷東海共停蓄書勢岱峯相峙
跨嗟今入法漸凌替競倚側鋒互矜詫笑余屈疆四十年讓君
從容一戰霸邇來鄭重細斟相與析疑兼塞罅幽懷每託方
外契劇論智師千文懷仁聖教苛論翻愁古賢怕余謂側筆取妍始於承興故君詩有伯施尚難逃斥

東洲艸堂詩鈔卷二十

十二

詞之我生孤尙憚隨俗不耐游譚少憑藉怪君道高寬著眼但
解偷光卽同舍先生笑謂兩皆是淡自江河峻衡華樽浮琥珀
又譚菽泉聽珍珠足銷夏老饜好事有底忙謝酒詩成先隔夜
明日招飲

雨舫疊韻謝詩扇再疊報之

恩恩甫發郵書罷陳栗堂同年入都發書數封去今日不吟兼不寫且放明窗
煤麝閑來看癡孫徐驂駕嬾懷未許外人知清臍欲隨幽蜷化
打門一騎風雨驟照几十行珠玉射蘇黃險韻焉足奇元白齊
名未思跨蘇黃元白皆來詩靜妙期延二窵歡矜誇恐被痴人詫今晨
佳語傳析木大海迴瀾月生霸開津門夷樓十七等日開去江南露布亦已
馳北闕金甌本無罅二東優渥秋屢熟萬戶安恬宵不怕先生
節制善綏戢賤子臬比得憑藉古味方酣敬樂堂吟魂時繞香

南舍荒園昨日叩春明翠墨難忘惟岱華

阮師秦篆廿九字及華山碑整幅皆在崇

僕山侍郎處昨有書候之茅齋咫尺卽鈴轅好續孫高兩銷夏卻愁止酒將及旬尚怯淡譚來卜夜

馬東泉見示和余芝鄉詩用前年雪中唱和拙韻卽次

韻奉柬

大雨種竹盈牆隈閒以舊栽梧柳梅野禽時從幽徑落俗客官打蓬門開故人東泉老博士冒暑步尋蟻窠來斷斷辨論淺長學要從孳乳窮胚胎卻愁義證五十卷插架易荒蟬蝨堆與君一別廿餘載意氣尙健容顏摧東山舊雨森在念王吳翟許吁可哀萊友子苾俱化去文泉老警印林近亦病臥莫訝同心易寥落從來識字生憂灾相期煙雲閱萬象庶保松柏如初孩兒孫讀書各有命孰爲頑卞孰奇瑰少待新涼動秋訊去尋老守謂芟薊傾淡杯雪中高

東洲艸堂詩鈔卷二十

十三

詠兩春隔今夜鶴聲天上回

題胡恕堂聽禪圖小照

艱難賊中來仍向賊中去病根不自知古佛默無語老僧強饒舌顛倒生滅趣生滅果盡時何處容爾汝西湖秋欲妍滌盪人間暑功成好看山王師如時雨

題張黑女誌

自乙酉春得此帖於懸下今三十有四年不知成構爲

何人也忽檢得山左詩鈔方外卷有釋成構字奚林諸

城人詩有臥象山分賦三絕句始知其爲詩僧而詩鈔

誤構爲構也又前載成楚字荆庵新城人止載其一詩

卽贈奚林大師云派衍南宗第一枝無言得髓是吾師

偶然豎拂天花落絕勝秋寮宴坐時池北偶談亦載此

詩南宗作靈山秋寮作空生荆庵推重奚林如此則奚
林當在荆庵之前詩鈔編次誤也池北偶談謂荆庵居
靈巖頗能小詩選其落花秋日等句然則奚林蓋亦靈
巖長老矣王六真跋謂師故工隸則奚林能詩又能隸
書其能寶是帖也固宜余於丙辰秋游靈巖山訪李北
海碑徧問寺僧無知者後問朱時齋乃得碑於魯般洞
回計奚林與兩王生耽詩道古摩挲石墨時將二百年
矣因題三絕句以志快

靈巖山寺雨游曾爛叩南宗大小乘三十四年珍秘在才從古
墨識名僧

誰解奚林文字禪魯珍題罷復雲泉空山佛屋談碑處方外風
流二百年

東洲艸堂詩鈔卷二十

十四

肆書按盡北朝碑楷法原從隸法遺業凡名香俱黑女一生微
尚幾人知

七月五日牛仲遠招同朱伯韓嵇春源王子梅梅卓盒
夜宴小小斜川適語船中丞見示湖亭觀荷詩次韻奉

柬兼謝仲遠

兼旬伏雨至夜夜空階響水影漲亭屋落痕滋几杖乳鴿飢不
飛就食上吾掌涼風颯然起碧宇高可仰日氣轉和穆夜色亦
疏敞艸根語蠶樂竹罅流螢朗久拋閒醉緣初有健步想孟秋
倏五日晴光動書幌街塵試行歷中屨得輕爽故人湖上住相
招游渺莽澄澄蓮子湖小小斜川榜頃爲仲遠篆題穉蕩香出
泥纖鱗活脫網登臺亦超然遐目縱一往鶴羣遠近山雁聲來
去槩蛾月才一鉤漁火忽三兩同心有四坐各自成孤賞秋心

耿無著翛然寄吾黨狂談時一驚瘦句不可獎道人新詩至詩
味萬花養奇情出無窮情理許分享因循我尤甚感慨君其儻
來詩有半生坐困循句回思困蒸海境過成惚恍古抱願重憶憂端期一
蕩兩句頗少酒醒秋堂明初旭破洪濤談碑之暇

七月九日雨船中丞招同朱伯韓觀察呂秋勝學使嵇
春源山長乘舟由珍珠泉徧歷龍灣諸勝旋宴集於澄

虛榭仍次前韻奉柬二篇

濟瀆伏仍發滿城聞水響天生珍珠泉不待仙佛杖神龍所孕
吐浪花供撫掌

先皇昔駐蹕萬姓此瞻仰高溪江山肖金碧園亭敞

兩朝御詩碑照水星日朗至今琴筑韻尙作韶濩想

賜爲大府衙仍奉

東洲艸堂詩鈔卷二十

宸居幌十郡此綱維重甍特塏爽節輟太森峻隙區有榛莽欣
逢繡漪老特製吳舫榜飛橋續虹腰坳亭翦蛛網時邀文史傑
共滌煙波往前廳看放衙後榭聞蕩槳庭訟與詩筒能事信兼
兩精勤念民莫奏議渥

天賞恢恢見餘地款款聯儔黨虛懷止愛才少貶乃多廢今宵
盍簪慶甚惡烹鼎養幽懷快一吐清福飫分享風雨又追逐琴
尊增侗儻嵇翁嗜苦吟聞根頗惚恍朱公凜風節呂子持英蕩
蛟蛟竟頽然醉臍墮渺漭

閩黔粵蜀游屐齒萬山響投間忽三年餘此邛竹杖屣沸灤水

源遺山教事三齊掌學殖已荒落講堂慙俛仰賴有賢主人儒

雅邁張敞古懷同所契疑義靡不朗既得硯几安兼副多聞想
因之過從密時許攀齋幌不招或常詣有約安肯爽新雨洗炎

海疏風動園莽頻聞使車出天下將造榜幸免飲墨汁共喜脫
塵網因循成後至洄滯仍偕往垂崖侶窺棊靜羽不避漿香醅
乃獨傾大戶乍無兩已訝淡巖地獲此幽奇賞又復縱所譚未
免狎其黨道人真豈弟羣才快提獎祇予山野姿謬藉詩書養
耕牛錦繡衣海鳥鐘鼓享乍可受羈縛依然恣傲儻昨夜故人
書傳語非恟悅浙波已恬夷全吳將埽蕩吾方此閒息東南天
泱泱

語鈴道人見示宋拓爭坐位帖愛玩多日敬題一詩議
論成篇自抒臆見知不足爲外人道也

顏公變法出新意細筋入骨如秋鷹東坡眼覲書勢破魯國法
匪山陰承後人迷誤固所見偏迫附會從鉤繩公乎有靈應大
笑南北殊派本代興長史口傳十二意漏痕釵腳聞素僧典型

東洲艸堂詩鈔卷二十

十六

雖云有前矩浩氣獨出無同能安師文家坐位稿奇特首遇坡
翁稱當時所見乃墨迹先豐牒紙厚勝縮後來安氏始入石髯
也定許聞登登手搨數本書大進清容是語宜有微妙哉肖神
不肖貌特標韻勝裹鋒稜自出新意處不少東坡自評書語又從顏法

謝依憑忠義同符貫日月楮豪爭長空薛滕一可畏敬一可愛
或起頑懦或平矜大節不奪乃不俗涪窆語透千百層顏蘇書
意正如此源流同異何淄澠涪窆能言亦能踐一生困踣心堅
凝筆端縱逸雪堂厚亦伸勁鐵蟠枯藤自米趙來何瑣瑣苦從
斐几求傳鐙千年此道遂晦昧萬手成法相因仍試看蘭亭兩
派後坐位覆刻方紛騰得千錢本便可習求一筆是夫誰曾香
南居士詩字格於睂陽交最服膺因於顏行極戀嫪想見胸次
常峻嶒我書汎濫不媿壹居士許爲同志朋近者涼風到亭院

特與破硯驅蚊蠅獲窺珍祕怕臨仿每一展觀生戰兢顧念時艱盤錯甚誰其健者擔荷勝日染麝煤疲點黥年來鬢髮漸崩鬻學書不成真細事感懷身世如春冰

陳弼夫得苦瓜和尚畫蔬果長卷後以餘墨補一石戲爲題句用苦瓜自題韻三首

禪師學圃不須圃傾倒水墨如快雨羊筍瓜蓮爭出土筆尖還避苦瓜苦餘興能將石頭補蹲臥寒落白雲吐

可惜不畫苦瓜

山東今年好農圃春夏秋足千里雨先生荷齋得隙土要與田交分甘苦鉏荒預把破籬補明年蔬甲春齊吐

吾生到處必治圃商詢地利斟酌雨隨緣何必非吾土不能作畫是所苦缺事幸有阿鍾補菜根香從筆花吐

長孫鍾曾自幼喜畫

李仲衡王秋垞先後惠詩推許拙書皆用中丞韻賦此

東洲艸堂詩鈔卷二十

十七

荅之

一室方臥游援琴眾山響天祿校祕書太乙來吹杖從來感應捷樞機如反掌大府發高韻羣才競傾仰日有和詩人常令東閣敞一時珠璧彥悉歸衡鑑朗我媿寒竿吹空作醋甕想攢眉怕入社閉眼且垂幌仍愁戶限穿要看揮毫爽平生苦肄書用意在蒼莽自迴貫月槎免署凌雲榜諸公辱過愛塵案堆魚網蛇蚓恣盤結電雨忽來往海船乘巨浪使筆如使驥橫絕萬里風不待占五兩擲筆望八荒門懷謝羣賞書家南北派本似洛蜀黨不欲相沿襲曷敢廢推獎要之浩然氣方寸貴直養心畫務自慮浮名安足享同志李與王狂論時亦儻烏乎篆分勢千載歸恫怛古意挽可迴俗書期一蕩今日免譚詩秋陰天汗漉

王子梅生日令愛貞年畫梅爲壽爲題小句

月梅疏影鎖窗窺繡罷圖成鐵幹奇白髮江南老畫客苦摹倣
派費燕支

阿翁本以梅爲字嬌女能將壽意申從此一年一回畫裝成百
幅作家珍

題黃忠端詩艸卷弼夫所藏

賦罷融和解網詩倪姚同志暫追隨新營丹鼎翻王母賸買華
鐙慶小兒白月青春元夕韻越舟吳水故園思百泉霜餅何年
事好爲莊洪一補遺

王煦甫灞橋錢別圖

切磋夙契清源交堂構欣覘煦甫賢流露天真見根矩研覃餘
事到詩篇春風入室五千卷世好論交四十年蓮葉西齋鐙火
夜撫今懷昔兩茫然尊甫清源先生爲先公門下士先公視學
山左時清源襄校今煦甫亦客呂秋厓學

東洲艸堂詩鈔卷二十

十八

幕使

邇迪長安古灞橋車聲馬影去蕭蕭儘餘煙水春堪戀無那風
塵債不銷我亦曾聆三疊奏丙辰春初西安諸
友餞我於灞橋君今正策五花
驕故人閩海相思夜佳句飛來慰寂寥陳子良
時歸閩

寄家書

使罷眠峨久息機吾兒却下更依依適逢講社開東國試挈詩
孫蹋北闈鍾曾喜吟字
之日詩孫祝汝鵬程當晚達愁余雁序太分飛寄
言弟姪知安健擬墨猶能一醉揮

柬雨舫中丞闈中

公餘敲韻對珠泉又復茶從試院煎蓮子湖頭秋正好桂花香
處月尤圓監臨頻疊心成佛懷抱虛明句易仙支福豈惟多士
被置圻無事有豐年

兒婦李氏月裳四十生日 八月十六日

家傳詩筆秀娟娟作婦辛勤二十年為汝做生忘我老吾兒有
福得妻賢江湖謫遠書頻到仲雲叔虎皆有書來為姊壽庭院秋多月正圓
環視諸孫翁醉也鍾才祐慧傻瓜顛

陳晉卿得長生無極瓦當拓本有覃谿未谷題記適有所會亦附一詩

舞齋程氏瓦當冊長生無極收者七長極兩字各不同左右殊
形變化出生無二字篆法不此瓦定山陳氏藏又與程錄分韻

頽當時搏埴非一手隨意伸縮成偏傷咄哉武皇學秦帝苦祝
億年期萬歲億年無疆延壽萬歲千秋萬歲各瓦當皆祝長生耳不圖零寶壽無疆畱與
來茲證書勢大小二篆無磔波同文壹制糾頰訛據形系聯浹
長作尉律諷書此執柯幸存繆篆不拘迫古意遠接籀與科我

東洲堂詩鈔卷二十 十九

因此瓦發微愜柰俗書如算子何

過陳晉卿徵君金菊菴寓齋見垢道人印譜精古特絕

喜成一詩

減齋昔輯印人傳朱顧邱江萬難見樂園云數十年來其朱修能乎次則顧元方邱令相

次則萬年少江端亭程穆情云云於穆情尚非上取也近代丁金高鄧陳謂龍泓冬心西嘉以來以雋理奇情各分擅金菊菴前秋雨歇商摧繆篆分正
作印名者

變鼎彝氣味擊底出絕菴驚逢程穆情浪游自命垢道人濁文
穢迹古精神詩奇畫妙尚餘事平生尚友惟周秦九沙八分接

青主孰似道人古外古板橋試從摹印叩書律定追隸邈越前

矩姜如農周燦施愚焦孫伯戴道王阮朱泥爛爛名字香妙斷

流輝二百載華星夜照東洲堂

慰雨舲

吟事無心對菊卮爲公眞作有情癡名駒慘澹歸眞日老驥騰
驤報

國時丹桂已凋霜後葉青松勤護歲寒枝橙花落向秋陰夜愁
讀先生哭子詩

雨舫烹黃花魚見餉時方暮酌欣然一醉

東鄰暮鼓報高牙輕騎飛來媿拜嘉蓮子湖荒想蓮子黃花魚
熟對黃花吟懷久向淡秋淡酒味添從靜夜奢贏得釣詩無別
物月光林罇一鉤斜

嵇春源山長招集濟南書院看靈芝作

咸豐八年歲戊午行省十一試鄉舉山東屢年書大有土氣蒸
蒸古鄒魯西南小醜時報警官吏剔除仍固圉聯翩英彥八千
人矮屋才華鬪機杼八月九月造榜天少晴多雨風雲連濟南

東洲艸堂詩鈔卷二十

二十

講社肄經處瑞芝全茁東牆偏初擢三秀頭角異漸高一尺槃
孟圓鮮明忽作金碧絢輪囷不待冰霜堅錫山嵇翁客此久臬
比兀坐三十年今科得雋稱極盛嘉植孕靈乘氣先同人傳說
競走視滿城車馬來喧闐吟詩寫記染圖書歸功盡頌先生賢
我思此物非艸亦非木自古休徵炳圖錄當爲天下大平機何
止一堂文字福更鍾僮器儲

國楨允叶嘉祥比豐玉滋培已見華葩麗灌漑益合根氏足興
賢育才在置吏與有責焉君與僕爲君一醉歸自省大月園林
爛松菊

書懷用雨舫霜松詩韻

我初到灤源春淡絕寒松入夏復涉秋庭槐綠雲封昂然坐其
間羣莛相錯綜苦心爲講畫迴想皆瘰癧諸生散如雲孤吟老

成鳳巾車偶然出十客不一空仍歸閉吾門兒孫同酒糞紙墨
互牽引風雪入謝弄料量文史緣頗足三冬供惟當歲暮時奇
想不可鞞既念白鷗盟又抱蒼生痛行年忽六十蓼莪久廢誦
江鄉薄墓田誰代春及種歸心隴畝渴游思江湖凍此恨渺終
天孿生愴吾仲懷哉去歲游聯吟對湖葑初五日爲先慈忌日
兒久廢生日矣去年
在杭州三
弟寓度歲

次韻荅中丞途中見寄之作

破裘足蔽體何必重錦茵土銜可熟飯何必金鼎溫每思富貴
極所適止一身同巷不舉火吾廬難獨春先生抱此懷少樂多
悲辛有奏必恤吏有計但煦民自從粵匪作憂心常如焚萑苻
伺其隙助惡與揚氛東邦近清謐鑿彼馮官屯小醜尙時發元
戎敢僻勤側聞西南冑破後少完邨茲行爲撫視風塵攪愁顏
東洲艸堂詩鈔卷二十
二十一

雖有及時雪不救燹餘貧賊蹤已遠去渥澤方無垠竊虞種麥
少負此瓊瑤寬征途發長謠感念詩老仁詩中及杜陵香山我方擁鑪

坐讀之繞屋頻計從秋涉冬情愴少所宣督師已再出不忍言
威恩但言被難區斂財兼裏人涕歎輒相屬聞者動慈肫行稽
目奇寒仍吐天葩紛和詩強屬韻凍墨不可勻安得眾仁賢爲
時調化元

聞人說都中事悼沈郎

金玉菁英半在沙靈芝誰解問根芽狂風一夜無情緒吹折江
南孝子花兩次到肱療母病
旋以時疫化去

東洲艸堂詩鈔卷二十一

道州 何紹基 子貞

題董梓亭冰山立馬圖

己未

四十年前文字盟羨君鵬路早飛鳴醒來宦海三生癡奇絕天
山萬里行此日鬚眉帶冰雪依然意氣挾幽并鞭絲尙倚阿翁
健南望何妨一請纓時送乃郎入都會
試仍思往南河也

詠牛仲遠小小斜川蒞蒹葭

小小斜川似泊鷗無邊風露翠雲流嬋娟夜月雙花影占盡明
湖十里秋

回環三面繫漁艘罨畫亭臺曲彖窗好是荷花真世界飛來水
鳥總成雙

滋涵煙水孕清華瑞紀嘉蓮自古誇卻笑牧庵多附會一茄爭

東洲艸堂詩鈔卷二十一

得十三花見姚牧庵集

秋來芝艸秀嵇園蒞蒹葭紅榴照雪軒佳語一時欣忝附惟將種
德勉兒孫同時嵇春源處產靈芝余孫新移石榴盛開
有拉蒂一枝鮮色不改至今春二月始落

送黃笠山觀察督師出省勦賊

神交三十年把臂語驚眾前年始相見謂余
日神交三十年矣果然亢爽懷互屏

諛詞貢公餘接談宴莊論雜諧哖今茲好花時藥破淡春凍君
好

或偶發雷霆轟積葑去年清野議古法得新用百壁有聯絡千

里歸磬控君賊盜有聲上年曹亮開
堅壁清野之議自君發之蠹茲徐毫閒蜂螿所宗統

三省議合攻

九重淡折衷羣疑撼大樹時有讒君
於大府者

特簡需良棟徑可一鼓殲迅滌潢池弄屈指十年來瘡痍萬家

痛比者沿江淮多聞就招諷機槍或漸戢扉屢況難供淡宜撫
勦兼不貴殺機縱眾人尙苟得奇士於幸中惟有元老委善養
神威重春郵韻桃李快雨催耕種時望雨甚切未須兼程急正好緩
轡韜幸寄軍中詩慰我江南謬功成早歸來

殊褒下丹鳳賀君花下酌櫻桃薦新糗

三月初四日吳竹如方伯招同錢香士看海棠先過嵇

春源處歸夜風甚冷有作

昨日三月三偶與清明期諺云兆豐歲聊可欺童兒童兒出門
去躡青恣娛嬉歸來述麥候青青尚沿陂五日十日內得雨猶
可滋老懷乍一慰仍復兼信疑晨興氣蒸鬱濃雲蔽午曦難得
素心招且信步履遲先到濟南社秀連放生池池魚水波熱庭
花雲錦披海棠色醉眩丁香香沁脾後至西司園俗稱蕃署為西司以其在

東州艸堂詩鈔卷二十一

西水石最清奇海棠古鐵榦傳是前朝遺狂風恣顛簸大藥明
也葳蕤主賓暫歡笑仍復連歎噫農家不可問花好竟何爲況又
未必好漸乾葉與枝雖踐看花約益增閱雨思入夜乍寒慄氣
候太參差明晨乃吉亥耕田聽禾詞

趵突泉

深水源頭大是奇千年趵突有神機人工天匠難窺察萬斛珠
璣盡倒飛

新鑿小池引芙蓉池水注之清甘可飲時羣燕飛集因

題爲燕來泉

街南挑水苦遂遲隔巷芙蓉舊有池一鑑方塘新水滿鼠姑開
後燕來時

盼雨書懷仍用去年韻東雨舫中丞生日

盼雪復閔雨二交輟吟和冬不雪春不雨吾誠祈不嫌瀆久亢

真無那龍洞泄仍伏岱雲高不墮兩入唱和久廢矣小麥芽才數寸何時入

春籟茅齋苦塵坐囊粟餘璨嗟不忍謀肉食尙免親自磨豈知

塵市閒價已騰百貨一雨亦何慳萬氣爲之挫慚余樗散材濫

忝舉比座每聞請雨期輒廢半宵臥望歲祝豐穰爲時平坎坳

連晨風候涼滿院蟲聲流此雨信也傳聞省南北滂沱塊已破欣因

介雅辰試附諸生課連日課諸生公詩不厭瘦吾隸敢辭餓時方習隸書

快占三日霖敬補一樽賀

苦旱以來龍洞岱嶽祈禱未應四月八日從兗州請靈

石來供奉龍王廟中丞率屬每日兩次步禱初十日余

亦往叩歸作此詩並示書院諸生同作

三冬無雪氣不收三春不雨田無疇豪門冷澹悵花事野老慘

東洲艸堂詩鈔卷二十一 三

戚傷麥秋遣官尋雲陟岱谷策騎請水驚龍湫層壇不憚排日

禱點滴隨逐狂風休適逢佛誕人初夏虔奉靈石來兗州澤化

五年五月五真言呪祈甘露靈石上流刻真言千年前事或可據三五

日內何曾酬或云豐歉屬天意詎能暘雨供人求矧茲片石最

爾甚非比大山尊且優自古朝廷布膏澤九重端拱惟凝旒宰

相委蛇臺諫諍大吏洩溷卑官憂偉哉雲根蓄幽異近承岱氣

爲匹速徑當雷霖剖胸出一救菽麥沈痾瘳神嶽崇厚豈汝妬

汶濟交洞資包羞功成惠溥不矜侈旋伏井底如潛虬嗟余頽

廢不任職爲此寢食安敢偷眾官禱罷車馬散潛往悲叩難自

由赤日方炎午未後濃雲忽起東南陬欲雨不雨意難測屯膏

何忍甘效尤石乎未可自貶抑能聽吾言應點頭
五月望日得雨濊透次日中丞有詩索和

硯田生塵埃得水旋已焦筆頭少風韻枯茶不復驕閒時學舍
坐看天迷昏昭竊想大府衙官事多鬱騷雲容忽浩浩雨聲已
瀟瀟如萬馬走坂如羣鷹脫條眼見渥城市漸知沛珂郊厚蓄
蓋多時一洩在此宵迴思半年事千里首空翹豈料今夜寢萬
家靜無聲未見大秋好已滌早氣消老蟻廢眠久短鬢尙耐搔
游山竝觀稼預擬襪被挑邠民且謀國公方率其僚誠祈果獲
報天惠非徒邀難免走卒笑又聽新詩敲

余因腹疾久不出今日偶至湖上仍被雨促歸適中丞

疊韻詩至奉荅二章

老蟻不止酒溼熱在中焦入夏脾土洩外應畏景驕敢翁久歎
歷勞苦功亦昭末疾不遇和寔修時傲騷難鳴思君子風雨聞
瀟瀟新詩疊琴筑洛誦弛中條知公健腰腳便擬觀遂郊嗟余

東洲州堂詩鈔卷二十一

四

兩句來枯坐閱昕宵今午試緩步萬象皆舒翹農務各已興市
聲恬不囂天時有亢陽塊壘且一消人心如小兒蚌處何難搔
湖水當面長野菜駢肩挑鷗鳧散亂出不復從其僚雨候又將
至雲羣莽相邀急點乍無數學舍門自敲

樹餘無情碧土有可憐焦蘊隆既太甚民氣不能驕

天戈所指麾義問普昭建業尙岨負維揚復繹騷餘氛至豫
章頗聞犯疑瀟土匪如飢鷹得飽尙易條京師資障蔽齊魯卽
垆郊或有儉收穫何以紓

盱宵欣茲漫且渥蘇彼尙與翹遙知千里外一靜早聲囂昏澤
天下徧烽煙寰海消憂時淚一洗問天首罷搔小池近自築剛
土正費挑快雨助綿力活水明虛寮公餘儻有暇養茗不敢邀
聊可竹梧陰共聽珠玉敲

荅余菱香

百穀枯已盡詩苗與同焦一字不能吐寸管無由驕天時有鬱
舒物候相宣昭自從大雅缺化爲楚人騷聲情悲怨多遺韻滿
沅瀟與君接鄉井近復親襟條我雖藉嘉蔭詩心如壽郊瘡痍
塞兩眼感歎在中宵兩年此安硯多士競舒翹暫息山水游亦
避塵市囂煖焚忽相遇慍悒何從消知君心共苦相見首空搔
甘澍喜疊沛吟鐙得同挑君有觀稼樂兼察五郡僚我多植花
果禽語喧招邀但得飽飯喫敢憚險韻敲

十九夜得弟姪書知蘇杭苦雨不晴又以城南書院主
講無人欲余返湘適中丞三次詩來道及昔年田居之
樂復成兩篇

愁霖暗蒼雪沈霧迷金焦傳聞吳越訊甚苦陽侯驕江海互冥

東洲艸堂詩鈔卷二十一

五

晦日月少光昭豈知淮沂北早氣方鬱騷但聽風烈烈不見雨
瀟瀟枯裂到几案悒悶失纓條苔潤忽騰礎雷聲時殷郊雲油
遂雨沛卜晝兼連宵百穀醒醉癡指日抽英翹江潦定當戢海
潮不復囂南北易陰晴氣候相息消天下有疴瘠大造能扶搔
公詩長城堅孰敢偏師挑何須鬪險捷屢欲困賓僚但將元氣
斟益兆福祿邀吳豫會胥靖金鼓當息敲

自我投閒來有似桐尾焦燼餘材礪硯鏢盡氣虛驕未能廢悲
憫尙欲分韓昭感時出吟嘯此意本雅騷弟姪宦吳越風雨阻
晦瀟佳節來問訊驛使寄衣條憐我久畱滯苦勸還鄉郊把書
懷友于兀坐忽淡宵無田可耕穫何處不脩翹城南固自佳樂
社亦免囂況逢主人賢能使羈思消早歲適相煎雪鬢乍可搔
見日內甫欣逢甘雨零不厭短檠挑居然兩腐儒韻事傳羣僚江
白髮

湖何浩渺鷗鷺隨呼邀因公動土思此理其推敲

中丞四次詩來首句云浮世之賞音誰辨枯桐焦因廣其意

浮世之賞音誰辨枯桐焦名論頗驚俗末學恐滋驕六朝向綺麗四始誰宣昭傑出杜陵老才力薄風騷中閒涉秦蜀晚歲浮湘瀟誰知當少壯已不受羈絛相從高李輩實在齊魯郊歷亭啟芳宴名士集良宵風流今繼續結構增軒翹惟公撫此久士氣靜不囂况值快雨節一洗炎塵消詩懷有同抱技癢誰與搔湖頭白舫出柳外青帘挑公其振詩教未可私厥僚大雅徧傳示子矜各相邀庶幾切且琢解道推與敲

吳竹如方伯見示喜雨次韻詩奉答

遺書秉程朱古義尋伏焦兼粹學與養能化吝且驕過從素心

東洲艸堂詩鈔卷二十一

六

洽攻錯厚誼昭溪春海棠開奇幹宜補騷酒如醴湧地屋似船橫瀟其時早未甚穉柳爭垂條青數寸麥危樹見遠郊蘊隆入初夏祈禱連書宵天膏應霑澤吏舒虔翹高懷發詠吟靜語祛紛囂雖可豐歲卜難遺憂思消元氣久凋敝奇痛誰慰播軍儲少滯延

廷議多別挑貪廉况殊性未易甄其儻但望登秋時父老勤相邀租挈早輸送不煩官朴敲

再柬竹如

入水能不濡經火能不焦豈有異術歟祛蔽且化驕竹翁冰雪骨介節早光昭律已甚堅肅感時多鬱騷吾家在濂谿百里始達瀟遨游恣雲水跌宕遺巾條灤源好學舍羣秀來語郊尉律勉識字雅詩勤肄宵羨君有嘉客皖士之英翹謂方想見主賓

談足息羣喙。鷲鳥乎齊魯。邦聖賢澤未消。奈何習頑梗。時需勦
翦。播塵市汰淫。巧城闕防達。挑旬宣。皆所職。風厲先羣僚。人心
苟能回。天恩當屢邀。聊當雨夜語。薤歌詩聲敲。

賀陳弼夫五十初度詩

並敘

古無於生日稱壽者。戴記四十曰強。而仕五十曰艾。服
官政初服。官政奚可言壽乎。同年陳弼夫都轉年甫半
百。爲監司已逾三考。游由

恩蔭生通籍。從政兵曹。積優成陟。督糧於秦。督嵯於齊。魯敷
歷中外將三十年。非初服官政者比。哲嗣子良。少年擢
科第。官比部。君非有職司。則封君也。老成先達也。何不
可言壽之有子良。不供職於京師。隨侍君官署。頃復以
事歸福州鄉里。余每至嘉蔭堂。君輒出鼎彝書畫相與

東洲艸堂詩鈔卷二十一

七

據掌攷訂香溫茶熟。有琅琅然書聲達於外者。則君之
幼子童孫也。俱年甫勝衣。未能應客於稱祝。蓋非僂況
今世稱祝者多無詩。而有敘敘則必臚列其文行功績
圖妙觀聽。尊庭先丈人以詞林宿望受

三朝知遇。外歷封圻。入爲大司寇。名德崇偉。至今在人耳目。
君早秉庭誥。曾以京兆試冠南軍。旣以隆芘得官。感念
國恩。語勤職業。彌務斂抑。喜揚人善。惟恐少自銜襮。蓋謙樸
不伐其性。然也。且朋友之道。在切磋講習。鋪張聞望。藻
耀屏壁。雖無飾詞。迹涉標榜。何所取哉。屬山東苦旱。禹
船中丞率屬齋戒。致禱於岱頂。於龍洞。兗州之靈石。邯
鄲之鐵牌。焦鬱者兩巾。月至仲夏。望後甘澍屢臻。千里
優渥。君方重葺署後。也可園及蓮子湖古厓下亭工適

告成同人得藉以遣懷推美於君中丞作喜雨詩君與竹如方伯芟鄉觀察皆和之余頻和未已因復疊前韻爲介雅之詞同人亦咸有繼聲君於是顧而樂之乃舉樽屬客曰今日之酒爲喜雨設也客皆笑應曰諾時咸豐九年季夏月哉生明實君五十初度日也詩曰

太山無時傾東海無時焦一高與一深造極不相驕行省介其開望祀

國典昭膏潤古無比早魃今敢騷一陰方長養連日聞淒瀟君筵海王國露冕揚翎條旣欣足潮汐尤喜滋甸郊鶴齡屆半百蛾月明初宵幹才海可賁詩力關能翹銜後也可園退食遺煩鬻千秋歷下亭古意恐沈消石筍與扶樹薛衣勤爬搔輒從野安買水合家僮挑俸錢任補苴不欲煩屬僚兩地宜我醉但隨

東洲艸堂詩鈔卷二十一

主人邀醉餘揮記石待聽瓊椎時屬書重修

題吳修梅同年鐵琴圖琴名天籟爲孫公和物項墨林得之以名其開鐵冶亭尙書以

贈崧甫相國丈修梅護藏之

嶧陽孤桐不可采鑄鐵爲琴壽千載此中天籟從何生非仙之人誰與解修梅居士古心魄匣裏卻橫護先澤至寶何曾輕示人攜圖徧示江湖客鐵亦非鐵琴非琴笑我無心諛墨林幾時杖策蘇門去靜聽高空鸞鳳音每思爲百泉之游牽纜未果

陳弼夫都轉重修古歷下亭以六月十六日落成招飲屬紀以詩同座者稽春源方存之朱時齋牛仲遠賓主

共六人

當時北海宴工部海右此亭已稱古員外雖營結構新臺觀之舊何年所堂堂更闕千餘歲代有廢興增仰俛一城勝境此湖

山萬古清風延李杜福州陳君濟時傑家世誦芬傳治譜卅年
數歷涉中外滿身才望資文武懷賢詠古寓襟抱振廢修殘得
根矩高情澹蕩落湖水薄俸翩然化亭宇滌維

純廟屢巡方步趨

仁皇勤績緒濟南勝處

御題徧湖上頻煩

宸翰咀

濟南趵突泉珍珠泉千佛山舜廟白雪樓皆有
純廟御詩碑而大明湖題一首春暮游歷下亭二首題
誰華橋絕句三首登會波亭有作一首皆在湖上作春暮游歷
下詩碑恭建亭中今亭既重修又從司家馬頭移大明湖題一
碑恭立於大門外

欽瞻兩碣星斗聯勢犂層霄龍鳳舞百年禮樂今猶

昔

三代憂勤

孫紹

東洲艸堂詩鈔卷二十一

九

祖游豫徒勞望

翠華艱虞更益塵

當寧十年

宵旰無暇逸四海瘡痍但悽楚今茲大旱異常歲坐見千里成
赤土可憐菽麥盡枯倒又見蝗螟生翅股五月墜後雨始來直
自京畿淡齊魯連宵徹旦恣酣渥久鬱一舒成莽鹵兼旬畏景
復焦追萬隴雜嬰待甘乳欣逢昨夜再沾洽恰與前番相助補
計從仲夏得雨初亭子經營事斤斧今朝工罷芳宴開天與湯
沱潤樽俎快聞夷稜焚海上又報捷書走江浦即看天下洗兵
馬何止山東多黍稌穹蒼有意蘇疲民福應從茲歸
哲主小臣閒放坐迂闊終年悲喜相錯迕不辭一夜戀琴殘會
見九州樂千羽眾賓跌宕負文采相與脫略遺蒼組結屋或在

菰蘆鄉尋盟早入鷗鷺侶謂春源仲遠半湖晴靄乍開合四山夕陽
爭媚嫵是月十六月正望水鏡圓靈照初鼓煙雲斂盡夜充滿
荷芰無聲暗香吐主人見謂宜有詩匪曰落成仍喜雨詩成紙
上露珠生字字光明何忍羨

宗滌樓見示徐鐵孫同年畫梅扇感愴有作

昔年曾見鐵孫詩鐵孫解畫吾未知滌樓舊扇曾持示合我未
看先驚奇從來畫梅須有骨惟君植骨冰雪窟一枝突筆飛猶
蚊滿紙虛光破荒月又聞畫梅難得韻史粹經腴君醞醞暗香
忽自指頭生幽抱最於寒蘂近當時作吏如龔黃能以儒雅除
強梁提軍轉戰乍深入大星一落天無光烏乎鐵孫遂千古幾
處湖山照祠宇忠魂滅賊竟何時空傳遺墨珍瓊瑤同年邂逅
止一面肝膽輪囷快傾吐想當落墨正歡笑奇葩異幹紛如雨

東洲艸堂詩鈔卷二十一

十

於今瞻諦起恭敬但覺峻嶒無媚媮虛堂一夜秋風來埽盡人
閒喜神譜

成哲親王爲謝東墅侍郎畫宣城見梅圖卷爲竹如方
伯所藏雨舫中丞借觀半載始歸之兩次題詩皆用王
及侍郎原韻方伯見示余亦繼和

江南落葉點征衣雪裏溪邨盡掩扉到眼逢梅人一笑搖鞭得
句馬如飛歸途千里短長埃韻事

三天前後暉想見名王樂賢傳瓊瑤咀嚼失寒饑

書律當年重九成

先公戊辰己巳開日臨九成宮醴泉
銘乃王偕帖合習自謂得力於此

未隨趙

董侈元明畫禪北苑還參妙驛路南枝肯發榮不著一花全得
韻重題舊墨轉生情畫與詩在乾隆丁酉
冬至丁未初春再題繡漪吟安還多事半

載掀掌錦句橫

題陳弼夫也可園圖余前年冬南游寓滄浪亭之可園
梅花水軒則也可園所無也

修牆補樹又疏泉故事迴思七十年阿兩窗初構
弼夫重葺添得鼎彝書

畫富紛欣古色助雲煙

也可園中憶可園幾時重蹋舊迹痕最憐雪月交光夜百本梅

花四水軒

雨船中丞見示伊吾司馬侯猗碑手鉤一通適君以閣

學內擢因題碑後兼寫別懷

東京侯氏頗寥闌君房而後希有聞瑾也廂居邊見范書
文苑傳

非威名等傳介亦當愷悌如耿勳敦煌雲中竝河外兩侯或本

同榆枌一文一武顯晦異碑詞史筆齊垂芬我生金石宿緣厚

廣蒐遺逸理放紛裴岑碣得舊打本中有古餘祛蝨芸余所得
裴岑碑

東洲艸堂詩鈔卷二十一 十一

乃張古餘先生舊藏遠勝後來搨本侯君銘字更奇重充氣上屬天山雲薩公工

書我習見政暇尋帖意甚殷湘林先生昔守長沙公
餘惟作書評帖而已初搨百本

不到我多付俗子供摧焚玉關飛越騰此紙郵筒風義見兩君

湘林竹林獨怪揆奇觀三面何不獵古掩其羣睦堂祖谷定何語無

緣起問故將軍香南居士偶獲此借到齋閣香先薰桂花濃開

酒盃重翠墨乍展詩魂欣三行磊落廿餘字朗若星斗天章分

掀掌十日不忍釋老擊鉤出多細筋余復識出首行五字三行
盛字首行末同字亦隱隱

辨可公膺置寄跋歷久歸依香案絲綸勤聞道趨

朝已有日顧余總別無可云迴憶談碑幾滄熱相與訂古忘宵

昕樂社秋風悵雷滯

孤棧瑞靄瞻烟熅春明豈少文字樂止愁羶附如蠅蚊幾時再

窺題變祕會合聯句雷書裏

薩湘林奇尹竹農書略云伊吾城北行沙漠百二十里
為南山口登天山起鎮西府所必由入口十里道旁有
石刻煥采溝天山歸言石上有隸書不可辨余道史往
年許子直游天山歸言石上六月十五日併錄次行
擲得兩行有曰惟漢永和三年六月十五日併錄次行
馬字下有雲中沙海侯字碑三面刻字可辨者尚有陸
堂陶君等字想亦紀功之作又云關仙云祖道戎軍上
也同時有二碑一裴岑紀勳二即此碣三失於敦煌處
野云云裴岑碣刻以瑪納斯碧玉合置鎮西北門外關
帝廟道光十三年余擲寄同好士大夫見裴碑光十
五年閏六月廿八日尹竹農跋云右伊吾司馬侯君
題字薩湘林得石於哈密拓前三行以寄其文曰惟漢
永和六年六月十五日伊吾司馬雲中沙南侯口惟漢
以下不可識按哈密為漢伊吾盧地順帝永建六年復
屯田置伊吾司馬一人首行伊字下關者自係吾司二
字侯君名似荷字疑莫能定也湘林又言石上字甚多
惜塞外不工惟揭無從知其立石之由矣道光乙未長
至日竹農識 竹農前輩家懸城身後此軸落古董店
吳筱亭大令樹齋得之以
獻雨船中丞余借鈎之

東洲堂詩鈔卷二十一 十二

再題伊吾司馬碑

湘林先生余曾見於長沙後官卿貳與先公交契郵筒
百本不及吾齋殊不可解方小東云先生好扶鸞之戲
問仙云云是也豈足據邪因再題四絕句

玉碣先傳巴里坤天山題字近知聞裴岑肅穆侯猗縱奇氣俱

應媿孟文

蕊兒鉤本付文泉錯落星光入隸篇耆古兩君俱已古掀掌殘

字一悽然翟文泉隸篇據吳子蕊鉤本入錄

百本分貽昵古儕吝茲一紙到吾齋老蠖猶擊雙鉤出可比將

軍墨拓佳

荒唐鬼語託仙書祖谷戎軍定子虛煥采溝邊三面字待誰拓

取睦堂餘

王子梅補聊城縣丞屬書昌黎藍田縣丞廳壁記將勒之石喜其有隨境自得之意率綴小詩爲別

崔君奇屈姿不入唐傳策賴有韓詩文稍可證蹤迹進士鴻詞科貞元早通籍浮沈廿八載始記藍田壁厥初大理屬蓋以言事謫莫咄官八品難禁喙三尺吾友王子梅瀟灑秀風格種學耕先疇文采勤自績戰藝不得嘗搏風鍛雲翮辛勞就卑官需次久乃獲家貧氣尙豪心坦面不瘠猶能昵酒盃劇喜斟書冊翻將赴衙齋差免嘲泛宅秋風仲連臺夜雨夾馬驛古意莽沈恣詩懷轉秀魄暖窵老無用濫主灤源席關門日詠古時方創解帶嬾迎客吟朋日見少漸漸成孤僻君復舍我去別緒志早纏積吾雖非遐之君當步斯立靜試麝煤香媿彼銀釵白餘紙綴小言未可鑄荒石閒官棲鶴巢壯志愛駒隙時寄哦松篇

慰我相思夕

東洲艸堂詩鈔卷二十一

十三

題舊臨坐位帖後

彭雪嶠太守以乙酉拔貢出先公門下丙申成進士入詞林與余爲同年憶余少壯時喜臨坐位帖

廷對策亦以顏法書之十二刻而畢爲長文襄阮文達兩師相及程春海侍郎師所激賞已置弟一旋以語疵落置十一嗣後史館編摩狎書應客不復臨是帖矣自丙辰客居歷下倏逾三載雪嶠家居城中過從諧際無異昔游一日出示此幅云是丙申以前從余案頭拾得者感珍度之有年媿工力之罕進漫綴小詩於後時君將出山故有末首

柔豪硬紙寫無停文采當時動

大廷暖臂今成強弩末且論書與後生聽使蜀時曾因論書作

後自呼

曾及吾家全盛年司農門下萃羣賢弟兄竝几詩書畫韻事偏

多未第前時仲弟子毅尚

淡秋風雨促行車作郡恢恢刃有餘大好江南山色裏勤摹顏

楷讀班書兩事君所素習

宿商家林

聞說頻年苦旱荒商家林子氣蒼涼連宵滴透淡秋雨想到明

年餽餌香

謝辭觀堂方伯送酒

隔牆呼飲菊花前謂廿二日之約仍念蕭齋看雪天飛到江南雙巨甕

甫出津門至老暖茗芋入新年

東洲艸堂詩鈔卷二十一

次韻荅祁壽陽相國三首

故鄉南望尚無家塵海還容破帽斜灑社春添榆柳蔭明湖秋

老荻蘆花吾廬乍到餘餐菊五弟自上年移南半節胡同新居古寺清游費羨

茶兩載銷磨文字債肝腸非復舊槎枒

相公輦下託浮家世上浮雲任整斜賸有高情延白屋何曾晚

節負黃花秋心暫寄茅柴酒冬味全歸雪水茶指日飛靈滿畿

甸西山掩盡樹槎枒來詩望雪

井西喬木是公家美蔭街連上下斜書律晚嫌新柳腳來詩有平生梅

抱元和脚句詩懷寒對古梅花續編諷詠如嘗蔗見示後集雋味咀

舍勝品茶乍覺杜顏真氣合破牆題句出槎枒日前示詩論杜顏合一之旨

張詩船留飲

前年秋別老舸家重蹋怡園石徑斜拚與一旬三度醉蕭然兩

凌萬枝花嘯吟乍復聯暖鶴君曾屬余題扁曰鶴在色德從容論墨茶膠
到西谿淡雪裏老梅香破玉槎柯

次韻荅沈朗亭

十年烽煙纏郡縣風雨懷人阻相見惟余與子又不然趣別閒
忙難覩面或云蠖麥落頽放每恣雲游多暇宴豈知生性不開
豁日爲時艱省眠饌邇來紫海迴波瀾仍報黃池費征戰吳臺
震撼越亦驚扉屢須供兵再練側聞吾子占書接屢建嘉謨造
溪殿江南江北主將誰時乎時乎若流箭驛報番番六百里轉
眼日長復添線

兩年游蹤越宇縣千里北來急相見衝寒投宿久芬室君書望齋名
歲竟隔諸梁面長沙黃子代歎客招集羣賢促宵宴酒餘池水
難烹茶盼斷雪花思廢饌是日雲陰已厚積霧想飛空玉龍戰

東洲艸堂詩鈔卷二十一

十五

榻來十日仍晴乾空庭素月明如練

聖人憂時思得賢

授簡彤廷分最殿兩齋雄駿各秀出大者梗楠清竹箭文章華

國古所重補袞從來嗤韞線廿六日到澄懷園奉訪值君方入城夜飲黃樹皆侍講萬同直潘伯真許仁山張肖梅鮑花潭及吳冠英俱集秋開廷試兩齋諸君皆高等

前年度歲錢唐縣叔子久別欣相見謂三弟子敬與君最習南北高峰翻

若迎西湖圓似故人面故人最數杭州多邀看梅花屢開宴湖

光接天活於酒山色照筵腴可饌其時瓜鎮甫肅清又值浙東
未爭戰開懷復登一笑閣龕赭濤來飛組練此樂自在菰蒲鄉

未宜漏語明光殿君持國論

恩若山我歎時光疾過箭幾時重理卅年游同看蘇隄新柳線

君以辛卯秋舉出先公門下是冬余始相晤同游西湖

題周芝臺協揆宋拓閣帖後用去年題坐位帖韻

一秋不雨冬不雪，千林落盡聞飢鷹。傲裘塵土無處洗，命酒來
召靡不承。芝臺先生篤舊好，容我散漫脫拘繩。醉餘閒語到書
律，側筆吾厭虞永興。因茲咫論合推闡，大似魯國逢錢僧。我言
書勢至魏晉，始著名。姓分神能堅，特古重碑版。貴流美，便利簡
札稱。法異方圓力，厚薄大鑿巖。石細楮繪豈宜一，例規不朽空
亭墨。妙長登，登南北書派。各流別，聞之先師阮儀徵。小子研摩
粗，有悟竊疑師論猶模稜。右軍手腕怯，碑版茂漪女子師。資憑
曹娥碑，仿度尙格自安小國如。郝勝曹娥碑度尙分書右軍以真書仿之李蔡堂
堂不敢議，鍾張瑣瑣紛相矜。神讖鶴銘永曷誌，俛視棊几高多
層。官奴勝父語誠妄，臭味亦僅殊。淄澠王家未能伏，庾謝大令
差可傲。徽凝禊敘荒涼三百載，已落方外薤榛藤。忽媒越寺缸

東洲艸堂詩鈔卷二十一

十六

面酒來伴昭陵千歲鐙，歐顏褚李輩傑峙。各抱古法無因仍，無
如百卷晉史出。羲之一傳天筆騰，推爲隸書冠。今古從此規，矩
迷高曾南唐庸陋工。附影趙宋沿襲來，服膺文皇藝祖兩英主。
同嗜輒美嫌峻嶒，官帖彙集更叢僞。謬混千載爲一朋，大觀潭
絳遂嗣出人閒。萬本附驥蠅，鰕生自幼秉庭誥。每念心畫生戰
兢，欲從篆分員真艸。恆苦擊弱任不勝，先生聞言發長歎。憂時
搔首髮鬢鬢，命書此語附帖尾。傾酒磨墨成層冰，是日大冷

漫欲法華連日與老媛唱和靜夜感懷次前韻

鳳城寒月萬人家，三變幽吟點筆斜。雪後商量無限味，春前多
少未開花。偶緣破悶還邀笛，卻爲妨眠欲止茶。時事方殷朝報
積，夜鐙紅照氣槎柯。

題張文敏西谿圖爲詩舫作

一枝兩枝橫斜影影徧西谿花萬頃昨爲我扇上畫梅西谿淡處有張

莊溶溶煙水同一香二百年前老梅樹依舊一年開一度豈知

古榦出新葩非復尋常淺澹花梅根結就玲瓏屋日把賜書花

下讀掩書出遊惟上船雙槳晝開香雪天此境拋離成半世換

卻梅花幾苞蒂欲歸未歸歲云晚歸窈翩然不知遠我亦西谿

有夙諾沈家樓頭曾睡著別來二十年彈指今日高歌向燕市

昨過金鼈玉螭橋荷田長徧艸蕭蕭半年不雨復不雪破帽冰

涼心火熱高齋展示西谿圖舊路不煩鷗導吾鶴在軒中鶴送

酒子轉送翁酒間佳甚幾時才入老蟻口須防一醉落莓苔化作野梅花

亂開

謝陳子鶴再送酒

一甕傾餘一甕開故人日遣酒車來晨澆十釺溫殘菊夜倒千

東洲艸堂詩鈔卷二十一

十七

鍾醉古梅破屋高歌雲亂落空庭狂舞月飛回揮毫果擅雲煙

妙要築糟叩頗費才君善書而不能飲

借鈎楊又雲繼振所藏莫壽碑即題碑後

適適堂帖傳至今千年紙暗翠墨淡石花爛徧鈎取苦遂使古

縣歧隆陰地理郡國兩志在有何疑似煩酌斟單谿所得鈎本南陽隆人係陰

字之說單谿謂闕疑可矣似乎不必止惜冊首兩版效四十八字華星沈珠還璧

合竟無日炯如缺月行天心難比華碑完缺異海內尚有三峰

森我觀斯碑將卅載桑下之宿空沈吟余在龔定庵處見此帖後歸文後山余又見之

如收駿骨揮千金錦裝玉贖勤展護時恐它冊奔枯蟬許我借

歸真大惠江南舊寢重溫燻午窗摘取一兩幅夜睡摹想畫破

袞桂張二寶儻竝到何惜十指松煤掛相國藏梁氏華山碑張松屏藏朱拓石門頰

俱欲借鉤銷寒古味止此足歲華那計來駸駸昨在瑤章重誣諉滔

于長碑煩購尋徑思刻期快到手尺素已附南飛禽真賞齋今

承壽軒兩美或者復盃簪昔謂子廉今乃貪得隴望蜀多羨歎

吾爲子謀非所憚連城之價恐弗任烏乎畫餅差可飽先將墓

本移珊林君急欲得夏承碑在顧湘舟家豈能購致余以所攜許珊林覆刻木贈之承壽軒者君自署齋名也此兩

帖昔皆在華氏真賞齋

次韻奉酬壽陽相國招飲松筠庵諫艸堂見贈之作

軍興十年謁芻橐萬落千邨長荒艸惟有忠臣孝子心照耀千

秋光不埽慈仁寺裏亭林祠昭陽單闕我新造十七年來祀事

肅羣藉敬恭申宴好壽陽相國人倫宗謂此振興關聖道春秋

主灌每夙臨天下學人盡傾倒榨子橋邊喬木拱椒山故廬天

護保改作招提奠神像但有虔祀無賽禱松筠庵字知誰題可

東洲艸堂詩鈔卷二十一 十八

惜胡劉雲坡石庵未詳討壽陽罷政已七載日下典型成國老濟時

羣彥廣延問古賢遺跡勤蒐攷驅車來過古桑下庵中有忠愍手植桑

見南堂新棟椽摩挲石版重驚歎疏稿遂爲千歲寶張生固是

芝鶴流附此垂名不爲天石刻兩疏稿詳余所作張受之傳小子喪回楊顧祠

皆與飾荒翦蓬葆計從入蜀風煙生未免憂時鬚髮槁頻年游

迹浪江海多媿賢侯投紵縞先生攜獎尤過情頑璞何堪藉文

纈醉餘狂論接蒼莽氣與前賢通渾浩坐中多是顧祠客與祭

雙松有遲早激昂乍可撼金石塗抹何堪壽梨棗屢勸刻諫艸詩文集

堂前有叢竹白月照之成荇藻主人送客一客畱同參畫禪證

詩抱客散後與先生茶語於冠英畫室願韜月色成雲陰使祝祥雲降靈昊

相國命書勤獲齋額識

宸訓也謹綴小詩

相公讀書室

天賜雙戶冊曰以勤為本日學古有獲銅鞮老臣心炳炳
聖心畫欽惟

堂陞閒無異函丈席公今就閒遐把卷忘頭白
昨命書聯把卷已頭白二句
乃云獲何有庶以勤自策即此下學意遠接聖道脈嗟彼暇日
多堂堂負駒隙

傳青主先生哭子詩卷為李竹朋題

霜紅龕集哭子詩十四首前三首渾淪第四首以後各
有小題曰哭忠哭孝哭才哭志哭幹力哭文章哭賦哭
詩哭書哭字哭畫此卷隨意摘錄乃哭忠哭孝哭賦哭
詩哭文章哭志哭書哭字哭畫九首也集中次第既不
盡同所遺者除第三首外惟哭才哭幹力兩首不錄蓋

東洲艸堂詩鈔卷二十一 十九

愛慟壽髦仍不免文字結習最深耳

想到虬髯與瘦肩文章忠孝更通禪不堪泣奠護靈日愴讀先
生哭子篇

題周穀田商城守禦記略

一身氣可一城鑄一家力可萬家固人人解讀救命書鍊膽未
堅神智蠹君不見甲寅六月議守城全倚周家父子兵又不見
戊午六月賊驚遁千餘人當六七萬兵家尚勇尤尚謀此才豈
是書生流於今一邑獲固圉行省七八仍戈矛吟詩試釐大華
頂東南一望能不增煩憂烏乎東南一望能不增煩憂
觀四今官秦中

題壽陽相國借園寒趣卷

欲雪未雪天萬象枯不和車輪與馬蹏雜以壯士鞞塵土漲成
海上欲掩羲娥侵蝕老居士閉戶靜養痾胸中有鬱陶外貺無

拘苛日領兒及孫讀書訂疑訛盜然一室中氣候未偏頗惟公
早通籍接武鏘鳴珂祥鱗巨壑縱健翮高雲摩

三天湛湛露萬土菁菁莪樞垣與密勿元宰尊巍峩迴首玉堂
署曠越廿二科

渥恩許遐休未忍還山阿槐街花市閒遂爲安樂窩三閒秋風
茅萬事春寢婆別院秀桃李鄰牆滋薛蘿軒窗一眺覽眾妙來
紛羅是能有不有亦謂它平它小子迂僻性如疾不自瘥歸耕
無石田垂釣無漁蓑寢中忽長歎醉裏餘悲歌猥辱相識察見
謂不媿卿兼荷飾荒陋遽引爲切磋垂念典型重引看庭樹柯
先公居此久退食有委佗培竹棗下徑種蔬松外坡風雨隔廿
年彈指一刹那步至小園屋是爲新軸邁呼雲其浮白潑墨觀
擘窠名帖濫評品新詩疊吟哦沈思時事艱滾滾如驚波皇天

東洲艸堂詩鈔卷二十一 二十

警之早奈此瘡痍何亦知空嘍喑聊復此婆娑雄心猶說劍鋌
面怕觀河醉餘出長卷謂宜止歎呵

先朝有掌故韻事未銷磨珍重垂柳色春風豈蹉跎梅花九

後朵朵豔明螺欲覘天下喜看此花顏配爲公一破笑寒趣借

圓多

卷前畫一錦屏題字云亭前垂柳珍重待春風公記云道光初年懋勤殿奉 敕雙鉤本也籤題管城春滿南齋翰林按日填廓一畫之間細注陰晴風雪每歲相沿遂爲故事云云後畫九九銷寒梅花一枝益八十一瓣最後畫紅梅燦發綴皆吳冠英筆

題李荔園先生風雪夜歸圖爲子衡比部作

幾人愛惜到居諸仕學同歸歲月虛比部循循見家法公餘不

廢讀經書

迴首雲山失故園青鐙傳到子兼孫胸陽風雪遲歸夜爲聽書

聲緩打門

題四明本華山碑爲崇樸山作

甲辰使黔歸阮賜卿兄以此碑及泰山廿九字質於余
齋己酉使粵時贖去云吾師欲觀也乃帖未至揚師歸
道山賜卿以貧故遂以帖歸崇樸山侍郎樸山以駐藏
將發屬爲題記因呵凍爲詩書於邊紙帖在吾齋時重
爲裝池加寬邊今日摩挲尙難釋手也

世閒所傳西嶽碑如峰鼎峙爭厓屨吾生何幸眼福厚三本俱
獲伏案披萬卷樓頭未翦本最後藏者儀徵師質向吾齋謹裝
贖四載瞻奉如鼎彝自從翁阮兩尊宿定爲隸勢中郎遺郭香
豈止簪書善天元律術相斟推范史輓迹堪縷指袁逢楊秉皆
同時古人書石略姓字謂其筆宜天下知簪書刻石乃著名此
意非許後世窺卽茲竝凡廿九字小篆相傳丞相斯琅琊會稽

東洲艸堂詩鈔卷二十一

二十一

皆一例於中郎也夫何疑茲拓題名勝它楮衛公再至神透遲
其餘行閒多寫記好名俱喜驥尾隨粵輅將發始返壁選樓未
至驚騎箕神物一別付渺莽寐八載空摹追半畝園齋使重
觀主人歐趙之匹儀嗟余老矣甫習隸徧訪翠墨如渴飢何況
昔年坐臥久漁人棹復桃源移主人奉

命使絕域慎旃名帖勤護持太華西南萬里外虹光先徹邊山
陴

題傅青主臨閣帖卷爲何伯英同年作

眼空祕閣千金帖

壽陽昨贈聯云眼空祕閣篆隸真行毋弗多

忽展真山臨晉字依然習氣染鷗波

青主先生自謂少年學趙

氣不脫與浩翁梅學周越書同意此臨閣帖殆三十年洗除俗
十年後作安得天下寫字人皆如先生大年乎

題壽陽相國履齋亭圖

獵聞邨是獵餘聚亢仇城本繖徂亭喜蒐晉乘得奇字堪補鄜
元注水經此日雲浮縣蔓白早春山接管涖青土思每展雙圖
看千里雲嵐入畫屏

題黃小松嵩嶽訪碑圖

余所得三石闕舊拓較小松所拓太室闕多出十餘行
每行末尚存一字後小篆碑較中州金石記所錄亦多
識出二十餘字惜未得卽作嵩游步先生雲外蹤也

秋盒步人雲淡處儘有遺文拓未全未解山靈呵護意忍將奇
篆祕嵩顛

題寄扇曲後

賸水殘山劇可憐尙餘生氣在嬋娟祇今無恙桃花扇一握香

風二百年此扇今尙在吳門

東洲艸堂詩鈔卷二十一 二十一

嘉平廿日出都

京師兩年別馳驅千里程雖無在官業固有戀

闕誠觥觥當朝彥婉婉後進英才賢天下聚圖史天祿精每來

不忍去非忘鷗鷺盟況值時事艱日聞

廷議清一朝翩然作懷我齊魯生兩情併一念轉覺行李輕

徂老居士鑒我去來明芴人謬相詫謂絕迹飛行壽陽相國於五鼓時作詩

行送

東坡自謂達緣盡我輒逝緣何有盡時未免自心滯浪浪大江

風有舟不須繫坦坦九達塗有輪不愁曳吾生粗解是緣緣自

相濟卽今兩月來過從滿吾契迴思嘉道時斯文有聯綴艱難

出處身俛仰天人際兒孫在灤社家書連日贅又復巾吾車去

度山東歲

東洲艸堂詩鈔卷二十二

道州 何紹基 子貞

題字課本

庚申

新歲湖山徧雪光已聞吉語說豐穰寒齋牘有臨池興煩到家
童多視忙

次韻荅嵇春原山長

我自京師歸訪舊明湖傷側聞嵇夫子養痾仍在牀時逾二百
日慫我九迴腸昨覩顏色健不覺情話長從來中不足易使外
物傷不見老松柏四候愆炎涼又有真玉璞純德兼陰陽惟君
秉質厚復以敬自強潛心善涵育斂氣不飛揚脾神偶滯鬱藥
物失扶將邪氛久盤結內念仍和康新春好雪澤鳥語花欲香
藏府漸融暢穀茗納馨芳新詩病後出令我喜進醵從今老益

東洲艸堂詩鈔卷二十二

壯百歲同徜徉

登岱至五大夫松遇大雪返適嵇春源贈詩二篇次韻

荅之

塵中擾擾人孰云達觀者何況吾與子身世多纏惹翩然不佳
什能自寬陶寫得失幾蕉鹿福禍等塞馬柳州賀元參退之慰
東野未免強設詞益令信者寡惟宜勤保艾高吟破瘡啞

我昨衝寒出直造岱壇下欲叩後石屋須從嶽頂跨山靈既吾
靳天公更相詫四顧日乍冥一山雲盡化作萬玉龍幾時方
戰罷高卑莽平夷旦晝失代謝何須看日出看此城不夜登山
不陟顛山僧任嘲罵私心固已愜兆稔珍無價狂哉五日游仍
稅溼社駕瓊瑤正枉賁奉報手有藉

蘭扇贈黃子常新婚

陳弼翁婿

節過清明客思降靜無塵事擾吟窗園林釀得春如海開到幽
花蒂盡雙

張小蓬司馬出省索畫蘭扇

張子寫花花可憐斂將奇氣得天然效顰笑我真唐突祝與香
風滿路傳

灤社雜書絕句

枯榆未倒百蟲攢斤斧翻愁著手難昨夜狂風與吹折軒亭花
竹總平安

水石連旬禱雨煩果然竹醉始傾盆溼雲散盡炎曦出一笑剛
添弟四孫

郡廨西南馬廐分多年荒石似羊羣百夫運到幽齋裏化作奇
峰欲吐雲

《東洲艸堂詩鈔卷二十二

一

新蕉才種已成窠葉葉窗前自夏摩惟有竹梧高出屋清風四
面引來多

賀梅卓庵大令

續高

得子

先友梅伯言冷性多恬怡卅年冰雪交道誼兼文詞猶子有卓
庵風骨鬱清奇循循子弟列媿我蒼鬚眉清長來叩門一語慰
所期行年將五旬初見親生兒聞君攝胸邑兩月餘去思天公
雖浩蕩時亦顯報施惟當勉其繼樹德益務滋養民如養兒昌
大豈有涯

吾廬弟四孫竹醉日有喜鄰家張葛梅後先百日裏同時產英
物森森四男子僑居竝作客相距不一里宛似江鄉閒湯餅互
料理梅家兒最後叢桂欲開矣暖燮逸循來愛聽曉聲美嗟吾
雖老拙粗識書傳旨尙可童子師咿唔來聒耳世世無相忘通

家如孔李

獨游明湖

蘆花風裏快揚舲金碧新裝古厯亭製就滄江漁父曲晚涼唱
與白鷗聽

無端激電挾奔霆特沛狂霖萬物醒入夜雨聲偏蘊藉絲絲引
入寢中聽

蕉心

雨入淡秋似淚彈祇增愁緒減清歡勸君勤向蕉心滴滴碎蕉
心展更寬

東高卽霞章邨

曾訪高人高卽霞閉門誰識秀才家分盆細種滋蘭菊上架濃
陰滿豆瓜舊印新鈔書萬卷清風大月酒連車不知楚客勤歸

東洲艸堂詩鈔卷二十一

三

思媿負重陽約看花

朱時齋楊旭齋來看石門頌因追述癸未甲申舊游話
及蔣伯生周通甫楊徵和張淶卿朱季直及仲弟子毅
皆成古人悽然有作

石門頌者藉書園所藏舊拓共四幅流落散失陳晉卿
得弟四幅畱置吾齋既而楊旭齋以首二幅來李子青

以弟三幅來遂成全璧余於乙酉春得奚林和尚所藏
石門頌及張黑女銘忽忽三十五年矣

憶余昔年廿四五隨侍使節至齊魯藉書園與燕園鄰始識伯

生及通甫淶卿季直摹古印徵和銳志習書譜余偕仲弟正年

少跌宕其間上下古漸染金石文字味四十年來成肺腑晚年

更作歷下游乾嘉餘韻畱樽俎

翁覃谿阮儀徵桂未谷黃小松
李鐵橋孫淵如諸老授攷金石

輓跡多在山左訪古時尋白雪樓尋詩屢泛青荷渚殘書破帖偶一收
非復少年勤記觀石門額出藉書園當日園名動

當寧

純廟方開四庫館主人與窺東壁府

書倉

藏書多種入

宸鑑名碑古碣哀成簿孫曾繁衍苦饑貧未免縹緲歸市估此
拓尙是前代墨想見珍藏等鍾呂幾時散落不聯綴有似鴛鴦
失儔侶三君有得皆自祕碎壁斷圭誰問取不圖次第來吾齋
劍合珠還神鬼許卅年前得宋打本來竝南陽張黑女四幅在
壁冊在几尹邢相望矜齷齪離華秋色黯將別灤社人文誰更
主平生肆力在書律蠹蠹尋徧寰宇東京石墨皆我師臂挽
雖衰勇猶賈徵和有子季直兄許其談碑資拊古人精神益
非遠二千年閒猶俯仰因茲片楮根觸多早歲才流去如雨

東洲艸堂詩鈔卷二十二

四

空館

兒孫別我去倏忽已逾旬老翁坐空館兀然惟一身屋宇旣寥
闕花竹少精神讀書聲已寂嗟笑俱不聞蕭閒到僮僕亦罕來
朋賓命酒孰酬和校文增苦辛宜靜不宜孤老性惟慈仁尤念
樂曾小墮地甫百晨見字卽吟晤咸云有夙根風霜慎乳抱行
路宜逡循填膺時事多塊壘不可捫心魂竟夜懸但與晨雞親
錢香士陳栗堂汪叔明方小東梅卓庵李仲蘅連日邀
賞菊皆未知余將行也

重陽風雨有歸期謂不傷離亦強詞排日素心招近局悽懷應
有菊花知

南旋有日而同人無知者陳弼夫忽於前一日邀餞酒
後作書夜分霜氣至矣

歸心颺發太恩恩強與留連有孟公老擊疾揮千繭活秋堂一
醉萬山紅壯懷漸向愁中盡詩律惟應別後工五載益簪綠豈
偶試聽齊語變兒童

別濟南

才是淡秋九月天殘荷敗葦已蕭然灘頭白鷺癡情性拍拍飛
來照影鮮

水態山容似客忙誰從漁父問行藏天邊鴻雁無憑信正向南
飛又北翔

霜色侵晨上馬鞭誰蒞迴首使人憐淡黃寒柳如新柳笑比衰
翁再少年

東阿黃石公祠

有大歷時碑李卓撰文後改名祠
筠裴平篆字題街隸字書碑甚佳

孺子取履圯下時老父乃以足受之出一編書是何語以還爲

東洲艸堂詩鈔卷二十二

五

進王者師捐之三人楚可破致四人救太子危功成封畱願足
矣齊三萬戶何取爲西京治道尙黃老善能用拙乃大巧權輿
所自誰之力博浪鐵椎眞艸艸畱侯黃石蓋同冢仙骨蛻餘歸
浩渺於今但有黃石祠古柏二千年未槁碑文大歷李栖筠書
石裴平工八分題街小篆竝精緊濫擅時名嗤少溫

東阿見吳筱亭大令所著六書微

秦皇阮儒生西京置博士博士傳六經卽今隸書耳古文蓋未
絕簡便失聖軌丹漆易以墨方策化爲紙東京許君出箸書非
得已小篆本大篆象形安得似古意挽不回眞行勢尤靡彝器
後漸出鍾鼎及簠簋歐趙與洪辭收拾競摹揣宣和圖博古意
越西京矣我

朝經術尊六書勤董理專肄浚長書孰究軒帝史三年灤源社

邂逅得吳子揆躡六書微森然凡例起作吏來東阿日聽政聲
美術齋屋半頽圖史浩盈几偶獲一半字母串五千祀寒燈兩
宵共清辨清如水老友來丁生諸城丁小仙精悍互琢砥何日書當
成吾衰猶可俟

東昌視王子梅病承贈牋硯爲別

南北狂游不計年三秋病廢止閒眠名牋古硯殷勤意未了浮
生翰墨緣

潞王園 輝縣

成林梨柿繞墳垣異代親藩感

國恩十頃未荒香火地行人爭識潞王園

百泉用元遺山湧金亭詩韻

咸豐五年歲乙卯自返故道驚神河山東行省失天險金隄起

東洲艸堂詩鈔卷二十二

六

伏空坡陀巨瀆難免有遷徙人生何暇徧經過秋風吹客不可
住寤想未到處蓋多卻因老嫗轉迂曲先從歷下尋東阿銅城
晚渡新黃河旋踰聊攝濟汶波南樓幾年不到此尙聞開口水
響如奔鼉夜宿朝歌甚寂寂墨子再來無可訶西穿麥田與柿
林時見髡柳兼枯荷蘇門山名重河朔謂宜俯視諸峰羅百泉
泉上夜氣靜仰視星斗疑且哦烏乎茲山培塿耳一抔衍迤無
嵯峨高人長嘯出定有與異藏煙螺況復堯夫與二程後
先講學來研摩水源天下固不少何必於此相婆娑東坡與遺
山詩字兩不磨見水止稱水元化無蹉跎因知詩人心自養天
倪和山經地志憑傳訛不冝論列防操戈嗟余生耆諷古疑
不能明將柰何詰朝渡河陟嵩去暗蟲唧唧和我謠且歌

余題
聯云

半嶺嘯聲傳蘇門山知在何許
東坡題字古湧金亭或是真源

閩新鄉縣志

挾石摧山沁水橫入河入衛總難平伏流濟瀆無聲去百里名川異性情

羅誦人太守招飲繁塔寺三賢祠祀李杜高三公益以何仲默李獻吉酒後作書示門人傳青餘何寢廬胡

蘇龍

論詩尙友道豈孤請看上座何人乎青蓮少陵與達夫同時命酒相狂呼大才一洩天欲枯信陽北地蓋小儒何時肩隨到座隅誰實爲此謬獻諛不顧古鬼相挪揄梁園欲雪風響麤繁臺白塔相縈紆感時撫事增歎吁飲不成醉歸鴉浦年來吟聲如盪竽凍墨兩盃尙可濡胸中奇氣紙上鋪古賢懷抱蓋未紆不幸命作詩人徒二三子勉爲時需衰頹莫效東洲夫

東洲艸堂詩鈔卷二十一

七

次韻別邊袖石廉訪卽題其健修堂詩集

平生蹤迹如風雨去住隨緣不自知排日畱連無事飲卅年感慨昔游時余於丁亥始游汴梁酒懷乍觸雞聲醒山色爭先馬足馳難得詩心相印處采芳空谷獲奇芝

成臯

成臯汜水西百里皆土嶺線路如修蛇屈曲不可騁咄哉古戰場何苦尋絕境一車塞其隘萬馬難迴頸我行值夷庚冬初氣荒冷五里不逢樹十里不見井傳聞癸丑年粵逆來何猛北行遂渡河燕晉同時警豕突犯畿南狼奔蹙東省蟻聚馮官屯水攻克亦幸豈無山河阻所向莫之梗守國在設險人謀乃要領賊至兵民逃何殊自揖請河山雖壯麗天開圖畫景土如能化石虎牢卽劍閣石如能化土岷峨卽鞏洛石性秉剛

屬亦自相附着土性雖柔黏依然峙鋒鏑中州本臍腹鎮靜藏
筋絡骨少虜肉多乃受萬氣託莫羨長江清休嗤大河濁因其
土石性於焉分厚薄

交讓路

澤洛間多有之皆賈
潤生作守時所爲也

作交讓路兼示碑傍山削入深且夷每行半里設一窾三車粹
遇客旋移土嶺偏仄有如此天險豈在石峯崎虎牢自古必爭
地慨想當年車戰時

高洛

觀水不至洛觀山不至嵩周流三萬里飄泊等萍蓬我初見洛
水蓋自鞏縣東行入偃師河洛斯會同心胸大怡悅耳目忽
昭融因悟皇古初天人共明聰游河與巡洛輒與帝謂通皇戲
畫卦理神禹治水功圖書實闡示易範開冥濛嵩峙洛河閒允

東洲州堂詩鈔卷二十二

八

爲天地中茫茫義禹後制作來姬公測景先陽城朝夕正攷工
規度百里內乃營城廟宮成王受圖卜垂拱沖人沖太保非不
聖承命位自攻公成文武德豈念鎬與豐茲事蓋懸絕一掃口
耳空卜年將九百周祚得再隆封國指奎婁定道育聖躬河圖
雖不出鳳亦不棲桐聞知嗣先聖萬古開愚聾滌惟皇義來放
動及重瞳發祥地相望闕里連蔥蔥海岱與嵩洛其氣相始終
至孔乃盡洩巍蕩天比崇我由岱至嵩千里馳如虹獲覩泱泱
洛迴憶洋洋風斯游信奇絕神志爲之充吁嗟今世事周孔道
欲窮將使禮樂區化爲夷與狝瘡痍滿宙合悔禍望蒼穹私憂
一懷古廷寸叩鐘洪

啟母石

大石如小山墮自萬仞顛蓋在洛洞時墮迹似鑿鑄訛云啟母

石周末野人傳孝武乃崇信讖緯託文宣東京造石闕馮神飛
雉翮祈福祀聖母炳朗延光年事理本夸誣文字卻雄妍遂與
大少室三闕鼎峙然零陵我鄉郡僻政實先賢兩闕皆與修名
姓星日懸多年玩翠墨今識貞珉堅炎劉石迹稀未免煩椎墮
奇篆漸損剝古意仍包纏撇捺不忍去日落生山煙

游嵩

日照測景臺雲暗太室山月明少林寺雪擁轅轅關陰晴與寒
暑氣候有萬班是爲大地中鑪鞫無時閒遂憑一山氣鑄此大
宇圍東西南北馳至戎夷狄蠻推求端緒處正在百里閒嵩少
旣蟠結潁洧復彎環中間小谿澗數步聞潺湲天中卽地中二
氣自往還卻登峻極處亦復易躋攀不似他嶺岫險絕藏幽艱
怡然若有悟我身失靈頑

東洲艸堂詩鈔卷二十二

九

行出春雨門敬叩中嶽殿嵩高峻極扁

聖祖天筆綯

高宗始巡幸陟頂閣巖澗

天章揮灑多箕少爲屏硯詩碑歷

三朝百餘年過電輦路不再修鐵梁誰更鍊恭惟

睿廟來游豫亦罕見茲事越千古敬繹

詒謀善兩京迄唐宋陋儒議封禪附會紛禮儀荒誣恣游宴則

天及靈后山川尤褻嫚何嘗無諍臣張崔有疏諫

行出萬壽門直詣嵩陽宮千年久頽圯書院集學僮橫舍何寥

寂蒼苔織如絨突兀古巨柏年歲難究窮石幢宋題名門外唐

碣崇仰視此柏樹始如孫侍翁龍潭匯眾流乳竅處處通嵩山

多好谿傳自古畫工乃知萬山主石骨中虛空宜其氣騰越霄

澤出冲融剛柔兩而化神柄不矜雄

登測景臺下視量天尺皆輒砌不可解

儀器傳聞海外來土圭遺製費疑猜莫窺元代量天尺況問姬公測景臺荒雪忽迷南北嚮古風誰挽帝王迴大哉堯命羲和後絕地天通作洛才

石淙

不覩石淙境焉識石淙奇頗疑造化奚秘此直至武后搜始知創立三陽宮迨暑恆於茲七言先自製從官費和隨奉宸大夫有聲曜奉敕編錄君臣詩曜書大遜乃兄稷請看吾家信行碑零陵浯谿臺敘州流杯池天然俱勝此而乏其歛寄唐嵩陽觀煉大還宋崇福宮惟祝釐幽淙怪石物外賞千載讓與英雄雌從臣弟四卽仁傑赤松元圃老臣詞內史列銜非不尊後有二張前三思味道元崇不足較我爲梁公終憾之

東洲艸堂詩鈔卷二十二

十

嵩嶽廟鐵人

治平元年三月春守神庫鑄四鐵人每陰雨夜神來巡無人不畏神庫神河山變遷更玉步望秩禮儀亦非故鐵人所守何代庫悲風蕭蕭吹古樹

登封縣署日日大風

風從何處來又從何處去登封小城邑直是風所鑄中嶽豈不尊四面崇嶺護聖人測土中乃是最低處

閱登封縣志示章壽堂

昨讀偃師志秉筆孫與湯淵如論議每鋒起史例少思量今閱登封志畢洪名更彰秋帆與圖仿隋志戶口效元康烈士述華儁會計依李常標題近瑣屑提挈失紀綱昔年游醴泉史筆淵

如長開卷昭陵圖全誤所向方令余掩卷歎才大意不詳豈知
志乘作先貴客氣念簡鍊有康陸對山翔實惟錢章竹汀實齋

會善寺訪智水上人

會善寺前水我先三里聞飛成半山雨滂作一天雲細路叢
簞織香風藥艸薰尋僧不可見雪岫晚氤氳

手拓三石闕

石經隸刻峙宮牆篆古從茲付渺茫珍重高山三闕字千秋遺
憾蔡中郎

出輓轅作

看月嵩嶽頂千里白如雪少林雪夜宿萬山皎如月莊田不知
處尚峙唐兩碣面壁事有無石影照毛髮五更塔鈴語飛出一
林鶻驚落瓊瑤花客寤醒勃窣凌晨越輓轅石盤亂凹凸三東

東洲艸堂詩鈔卷二十二 十一

復三西環轉不可歇迴思雪月景何忍成驟別

登洛陽城樓

曠二千年王氣收霜晨閱徧古城樓伽藍記與名園記賸有伊
川東北流

德研香陪游存古閣

徧觀存古閣前碑六代而還費拓椎束帶叩頭看寫字何人更
似研香癡研香見余懸臂迴擊作書
伏地叩頭曰佩服佩服

天津橋

姬劉李趙此金湯古意於今滿洛陽地氣北南關治亂天津橋
上杜鵑忙

老君洞前後觀六朝造象夜宿寶陽洞

伊闕龍門夜氣清人聲隱隱洛陽城酒醒一榻寶陽洞萬佛無

言大月明

連日與了亮

即智水

香海宣印如指諸僧尋閱金石書畫

大有吳越閒風韻

洛陽訪古歎銅駝文字緣
留方外多老友六舟無恙否蓮谿几
谷又如何

香山寺

香山寺裏奉香山尚有遺墳伊水灣
文富歐韓司馬輩更無片

石在人閒

諸公皆有園今俱無矣

汝州舒芙嶠刺史陪游風穴山步上白雲寺陟山頂看

泉出處下至觀音堂降水母處中爲喜公池左右各有

泉出至吳辨叔讀書處酌於攬勝亭柏竹石所云三勝

入風穴山五里許千千萬萬惟柏樹離奇醜陋逾媚嫵黏石即

東洲艸堂詩鈔卷二十二

十二

生不須土山腰三派靈泉飛石罅噴薄成珠璣聲如琴筑不涇
衣水母跪受菩薩轆瀾濤旣靜山田肥剝壁爲牆不勞築前朝
吳生讀書屋冬能不寒夏不燥想當未第甘雌伏日汲清泉看
修竹山前山後兩竹林幽密無處巢山禽步入其中日色沈此
閒更比淡山淡攬勝亭前生晚翠山氣森環不成醉醉餘濯足
喜公池歸路回看白雲寺柏邪竹邪水石邪綯以物外空烟霞
山陰道上恐莫加汝州刺史莫浪誇

美嶠浙江奉化人

昔年戚小蓉借觀黃甲雲畫卷私心奇愛重加裝贈而

歸之茲從錢晶卿大令借閱襄城縣志知甲雲字鳴韓

是其縣人 國初由明經爲樂安令晚退後專以畫名

也

畫筆荒寒出異軍昔年借翫把香薰今宵汝水橋南宿癡晤襄

城黃甲雲

獨山祖師殿

南陽城北

煙雨高寒景絕奇
南陽佳氣覽無遺
到來自有千秋想
何必孤峯叩祖師

臥龍岡諸葛祠

臥龍岡勢鬱蜿蜒
清水東南徑繞旋
三顧重開新構廈
躬耕猶賸未荒田
儒修豈被韜鈴掩
臣節彌罔付託堅
郭李文王堪嗣軌

南陽忠定信國陽明

將成敗聽蒼天

南陽守金稚園從南門外新移李孟初碑嵌置郡署大堂東壁

南陽碑有李孟初始拓贈我周鑑湖沛南欣購小松冊百年前拓神尤腴雪晨下馬即訪此新移郡廡東壁隅慎勿日日拓贈

東洲艸堂詩鈔卷二十二

十三

客氈椎客易傷石膚使君一笑何過慮不聞石有時泐乎奚如目前恣拓取徧詣同世諷古徒烏乎此語非不快百六十餘字珠大河以南古碣少為後來者畱須臾

到襄陽遇五弟由都回連日並船行風雨中忽相失

解纜方離泊處磯蒲颿轉處便相違
何如候雁聯翩影風雨中仍作隊飛

安陸夜泊黃虎卿餽筍酒與弟姪酌

新麪斤才十二錢
荒城尙幸有豐年
淡冬喜見頭番筍
初雪剛多上水鱖骨肉
踰違天與聚江湖
平靜月初圓
傳聞軍報難憑信
暫撥愁煩取醉眠

胡詠芝由英山移營太湖書來相迓畱別汪梅邨丁果

臣

大開書局在鈴轅

時開書局於撫署多桂軒輯刻讀史兵略賢士翮然共討論汲古

有源經緯出愛才無底性情尊華星春引太湖路積雪夜明多

桂軒樽酒句畱兩儒宿諏稽地志與天元

梅村講地理果臣談算法

十二月廿五日立春太湖畱別詠芝君久抱病益誤服

溫劑余小住三日不令服藥眠食談飲乃俱健勝

營門大開不須歎主人遲客欲忘盟十餘年別果精進剗盡才
華歸樸坦羣才延訪日劍劍宦味澹餘能侃侃兼資文武根道
力舉世同聲歎微管雪夜聯牀語微不至病驅卻藥意怡衍君言
時弊苦末疾醫者宜求和與緩將才日出循吏希軍務方長民
事短務敦悃懃瘡痍未宜馳驟矜威斷殺賊容易固圉難此
意有誰窺奧竅我言君疾正同此貴以優游平剽悍一身肩任
軍國重萬士歸依肝膽滿精神惟仗自存固箴石豈容偏峻煥
且遲歸計向湘水暫可新春同酒盃忍將別淚彈向君媿我江
湖恣閒散

東洲艸堂詩鈔卷二十二

十四

除日到黃州雪堂寄懷詠芝

逢迎到處驂騑慚媿清狂老布衣官事已因封篆簡興夫況
爲過年稀半生游思如雲卷千里鄉心竝雁飛坡老有靈應一
笑芒屨帶滿雪泥肥

來往俱詠芝令枚令供張

東坡再見黃州閏作賦題詩滿雪堂何必千秋論興廢祇今十

載有滄桑

雪堂燬於賊詠芝督軍至黃州重葺

江山不逐浮雲改豪傑爭隨去浪

忙待子功成早歸隱樵兄漁弟共鷗鄉

獨游

獨游休怪性情偏藉艸眠雲意適然既免兒孫多細碎又無賢
從苦畱蓮寺藏複徑須揆輿嶺有千盤必造顛今日雪堂成小

鵝江山滿眼入新年

東洲艸堂詩鈔卷二十二

十五

鵝江山滿眼入新年

東洲艸堂詩鈔卷二十三

道州 何紹基 子貞

雪堂拓蘇詞殘石 辛酉元日

古來文字輝山川黃州勝以東坡傳雪堂況是公所構真氣鬱

鬱棲桐榭我初憩此歲壬子使君春夜張高筵徐石民太守狂吟浪

醉三五日歡傲風月茫無邊余題雪堂聯云雪壁寫東坡大好江山天許此堂占御春樽開北海

無邊風月我如孤鶴飛來十年孤鶴翩復至忽易雄闊為華妍劫餘賸此幾

月石晨星落落耿在天詞家有東坡如詩之青蓮天然叶韶濩

超宕仙乎仙試誦此三闋皆在黃州墳岷峨空馳萬里磨閬苑

誰證千秋綠文章何事強開口一琴一酒方陶然政和宣和弛

禁後搜錄遺墨紛傳鑄此詞此字最得地江月更比它處圓上

有鶴樓下庾樓遜此光燄江天懸不虞粵匪來剽作修城叛神

東洲艸堂詩鈔卷二十三

鬼強呵護碑斷不可聯我珍碎玉勝完璧如視全人脰肩肩東

南烽火猶蔓延金石毀棄成雲煙差幸投閒莽游歷好奇諷古

意更專來朝渡江尋怡亭再看李篆蛟龍纏願佐

中興討文獻勉令後學知前賢

羅研生屬題除夕吟蘇卷次韻書懷時余甫返湘垣一

家歡聚也卽示子敬子愚兩弟

兄弟到白頭急難得扶佐一夕有聯牀雨聲等奇貨嗟從軍興

來浩劫波濤大人閒好兄弟離析失饋臥忽誦吟蘇篇坡頽宛

同座友于相感觸別緒互研磨痛哉我羣從性命刀頭過生還

豈偶然填箴且賡和

叔季歲莫歸阿兄歸獨遲音書久阻隔蹤跡忽逐追奇哉此一

聚昨日猶天涯回憶同屋歡尙在具慶時悠悠廿餘年壯老殊

瘠肥俛看羣稚喧足遺三翁悲憶昨團年飲各有祀竈辭我方
風雪行祇益鬢毛衰

僦居得華構添足嗤畫蛇不如自家屋把茅頭上遮典衣易好
米衣盡將如何不如置薄田亦免越畔譁城中苦煩擾厭聽官

鼓搗幾時田閒去聽水至日斜諄諄語叔季此計休蹉跎藏書
課兒孫百城猶可誇

李西臺親家生日余邀同庚胡恕堂中丞治具稱祝仍

以小詩介雅

風炎日炙火雲張靜者儵然熱惱忘早退能拋紆綬苦閒居猶
為勘書忙禮堂鄭孔千秋韻君年來究心注疏吟榭蕉梧六月涼壽色

雲嵐隨杖履先生風味半城鄉

生際乾隆八八年嘉慶四年宮中憲書為乾隆六十四年三人相顧各華頭老媛

東洲艸堂詩鈔卷二十三

才縛渡頭屋新買小莊近渡頭市司馬又添池上船想堂新製小舟荷舫幽棲偏

遠俗盪菱圓荷之舫君居此過夏芋園喬木況參天尊兒文恭公所構芋園近年水木增勝弧

辰喜迓新秋近快酌山樽聽野絃

羅研蓀生日

三十年來老詩友長沙尚餘羅研蓀為人平實不動俗意味正

似東洲緩胸中涵衍罔不有涇渭河濟包流原我於君止五歲

長百事頽放難扶掖君不謂衰笑其孀孀與衰似難同論君方

幼學如少壯健往欲迴羣馬奔自余十載浪游返載書尚費車

百轅君來僧看數十種其所未看氣盡吞七月四日攬揆辰不

欲子弟鞠脰煩翩然出游徧古寺歸來敲詩潛閉門余方病渴

今始解走桂花井尋秋痕蒙出佳茗淡過水殊勝豪門稱祝樽

忽然起揖索詩句西臺有例近可援更出大紙要奇字當歸張

之石潭精舍之小軒老蟻不禁拍手笑旣不稱壽矣而何用吾言

念園研蓀兩君見和拙詩適於昨日看新練水師卽事奉荅

二千年來風騷鄉香徧蘭芷離荃蓀厥初固是用武地上國視之如鷓鴣金虎兼并楚最後避秦早入桃花源其人智決有先見不俟陷渚方求掀十年名將次第出忠勇不與孫吳論水師勦自曾本兵由湘入江蟻賊奔昨日下瀨新練軍采舟化爲大府轅連環忽訝水犀出萬怪早破長龍長龍船名吞赤日正照組甲絢清風來盪炎歎煩火光歎飲白沙口呼聲搖動驛步門大旗乍掩鼓盡寂尖山嶽麓青露痕桂花井畔兩靜爰詩壘折衝忘組樽才氣俱堪萬人敵謂宜投筆將袍援何勞瑣屑較聲病俛

東洲堂詩鈔卷二十三

三

與韻士爭輦軒笑我偏師遇兩天但見湯池浩浩壖言言

楊性農寄示近詩有夙不喜金石一篇中有欲罰杜舉志吾過之句蓋自知不足者因用原韻奉荅莫勉進此

道也

太初有文蓋無字僅類畫卦分陰陽珠玉爲珪璋璧琮厥貢集瑤琨琳琅金石刻畫乃漸起文字藝乳不可量稽古同天炳羣聖鉤河摘洛歸素王當時六經雖手定傳道難徧諸狷狂曾商卜漆數子耳抱經講授各異鄉漆書竹簡虞俄空藏壁過江多悚惶聖人如列五等爵胙土得分青赤黃定取吉金與樂石古文刻經天府藏能令羸馘永消戢更軼禹鼎騰芬芳豈比河圖與大訓簡重止宜陳序房巍巍之德竟無位禮殿俎豆長馨香俗書寫經大容易直似衣食憑農桑聞疑孰叩渡河豕糾誤難

窮白下羊或挾訛文騁肥見敢訾古誼甘面牆傳言遺經在海
東有類佛典淪烏菟嗟聖道久凌替三古舊聞誰辨章布帛
菽粟化銀幣井田封建如收皇金石一線幸未泯大比竹黍意
法長歐趙洪薛功豈小非僅饋貧餘古糧爲文詞宜略識字退
之斯語頗審詳吾子於韓有微尙視它作者皆秣稊宜釋聖言
溯初訓周前秦後別界疆既知杜舉當志過豈可信筆爲橫翔
近者粵東及鄂渚夷艘羣竄如奔狼寇氛四路伏且懾彗孛三
旬戢厥光沉湘水潦亦斂縮計子來過秋當涼相與從容究倉
雅六書大義如莊康

題圉令趙君碑三首

圉令趙君碑見於洪氏隸釋後遂無著錄者蓋石已毀
矣道光壬辰春仲先文安公按試甯波余隨侍登范氏

東洲艸堂詩鈔卷二十三

四

天一閣見此碑及劉熊碑單紙宋拓俱有破損閣上置
長案不設坐具書帖不得下樓無緣假歸審訂奇迹經
眼時人睡寢忽忽三十年矣其年冬在都得蘇齋雙鉤
劉熊碑於琉璃廠肆適澧州蔣錦秋觀察收得汪孟慈
處宋拓劉熊碑及宋拓魯公祭姪文許我到粗旗杆廟
寓中手鉤祭姪文肴酒供客甚恭主人不出門半步而
劉熊碑則固靳不與鉤余以甫得翁鉤本可玩不復強
索後屢游吳門頗聞有趙君碑以尤物不敢過問也咸
豐辛酉歸長沙知易小坪令嗣處有立軸本浼李季眉
借到小坪得之蔣奇男奇男者伯生之子伯生得之黃
小松道光二三年閒伯生居濟南西關外之燕園余與
先弟子毅偕周通甫楊徵和張淥卿諸君談碑看畫過

從無虛日顧未見此碑其時蓋尚未收得也小松得之
張芑堂芑堂得碑在乾隆丁未不箸所從來以後梁山
舟錢籜石翁覃溪伊墨卿吳荷屋梁蔭林各有題記似
乎王蘭泉孫淵如阮伯元師俱未寓目芑堂伯生小坪
以藏帖主人俱不題一字殊不可解今立軸炳然而小
松所得之翦標本不知何往矣黃荷汀同年官上海憂
歸攜一軸來云得之徐紫珊看蘇齋題記乃錢辛楣宮
詹舊藏物而潛研堂金石跋尾不錄是碑豈得碑於成
書後邪辛楣至紫珊中閒不知流轉何處或卽由錢至
徐耳小松先得顧云美冊又得芑堂贈軸又同李鐵橋
觀此本於涉甯最爲有金石緣余不得藏一本而所見
有三本與蘇齋同余多見天一閣本翁多見云美本耳

東洲艸堂詩鈔卷二十三

五

惟蘇齋於三本俱有題字而所著兩京金石記復初齋
集俱不及此碑豈亦如宮詹例邪此軸中題字如顧澗
蕢練栗人皆管年相與諷古者宿艸多年不勝悽惘余
既偕到兩本值酷暑不能臨摹刻碑人慙城陳浩隨我
至湘令其雙鉤裱爲巨軸一時壁閒遂有三趙君碑可
云奇快易氏軸先索還黃荷汀軸許我久看因分作三
詩以志欣賞此碑自黃小松小蓬萊閣雙鉤題跋後又
有萬廉山百碑研齋編刻本又見於吳荷屋丈筠清館
金石錄其他箸錄者余未及見也辛酉七月十九二十
日記於長沙化龍池寓齋之礮石山房

芑堂張氏初獲碑至今七十有五祀最好籜石看碑處永豐鄉
之九曲裏芑堂十年不題字持贈秋盒官在涉小蓬萊閣本有

是古冊流傳顧云美誰期此軸不脛至軸者在壁冊在几冊落何處軸無恙燕園蔣子特珍視燕園藏寶我盡閱道光之初歲壬癸其時尚未得此拓遲四十年方觀止合嗣奇男宦湘上轉歸易氏父及子金石之壽人不如漫爲斯碑歎流徙初平正是獻帝元董卓移都世亂矣辟雍東觀典司缺蘭臺鴻都圖冊毀陳畱況與洛陽近貞石尙爲賢令砥東京遺碣此其殷民心敦樸見惻悻安得重摹付妙斲一代石墨有終始誰其愛我轉俗示李子季斜稽古土

題易氏藏本

潛研堂跋一再續圍令趙碑不入錄若非蘇齋題記詳誰識宮倉舊藏麓小松已皮兩墨本又獲觀茲眞眼福同年黃子劬者古得從徐氏在滬濱攜還長沙出示我宛園池波柳絲綠珍重僭歸礧石館兩本竝几搖雙目古光所照四壁靜不敢頻開防

東洲艸堂詩鈔卷二十三

六

手觸此軸蒙許久甯看何止桑下三日宿悽懷故友顧與練往歲談碑如炙敲我蒐石墨始燕齊吳粵閩黔秦晉蜀牛腰囊載非不富精本無多詎云足十年兵火燄尙張多少古魂無處贖江南文獻已難問海上樓船尙馳逐東京貞珉幾宋本幸免劫灰天闕著一劉二趙與三華但獲一焉等球玉英光寶晉乃俗書甚暑愆愆未違讀

題黃荷汀藏本又所藏有宋拓英光堂米帖

我咎讀碑古鄞州圍令趙及酸棗劉兩張薄楮就糜腐無那天一閣帖不下樓劉碑汪氏有舊冊後屬吾鄉蔣錦秋趙碑世尙鼎足立兩巨軸者翩迎眸可憐赤日照土裂時見炎雲如火流狂揮白汗賞翠墨久棄筆盃親茶甌趙君名缺字亦損再辟不至因兄憂陳寔范滂同此意古義足起末俗媮播德二城風穆清文句簡質全包掇碑成百五十餘字字大不與他碑侔書勢

恢疏見奇氣夏承范式之匹儔我雖苦熱輟隸課對此至寶賜
疾瘳歷下陳生手眼敏精校兩本爲雙鉤鉤成裝贈快懸看兩
本古重一本迺晚來大雨不解何處至但見搖搖四壁騰蚊虻
郭有道碑孟文頌時壁間並懸郭楊兩碑相與鼓努旁薄一片風颺颺雙題

本鉤

九月初五日卽事

桂花無處尋流傳桂花井易安此卜居官高道彌靜羅子來訂
詩高歌銷苦若余於二子習闢門忘造請情因唱和聯趣以清
閒併今年苦熱甚金虎秋愈曠早象雖未形涸到行潦河農收
恐難豐王稅虞不整兼以濱湖區水毀仍待拯京帑急催促軍
儲難膏省近者皖鄂閒頗息烽燧警百萬瘡痍民甫自識形影
又聞水陸師將指吳越境資糧屨屨供延首望湘艇計從十年

東洲艸堂詩鈔卷二十三

七

來楚材齊脫穎忠義所感激將士竭誠猛紛騰金粟運絡繹江
湖承艱難此一隅支拄幾行省陽雨時偶愆軍國氣將梗化元
期漸復天心可哀育重陽佳節近風雨差可幸菊苗珍珠瓊蟹
信隔笈笥賤子半月來游蹤又思逞東揆九溪洞西營九子嶺
渴與猿飲連捷逐鹿走鋌黑麋阻繭足白鶴徒延頸忽復落城
市如弓弛待檄今日街路潤且喜不泥濘步出八卦巷陳窠今
鄭雪廊沿緣古荷池池乾井失綆郭子山中來樸味到襟領張
翁廬邂逅逢說詩似匡鼎雙丁竝白髮意象同一冷郭鶴仙處遇張星樓又過
丁頌臣傳聞鄂信疾驚墮將星炳聞胡詠之於八月廿六日薨逝一柱更誰擎

萬氣爲之瘦燈前讀朝報

主少國有秉本端枝葉振直進邪慝屏珠聯璧合瑞河清映慶

景八月朔日月合璧聖前後太平有機關宏濟待公等嗟余坐

迂廢庶獲老哇町羅子晚來過悲慰互雜竝尋秋到吾廬秋意
太癯瘠時事天九重清談波萬頃子季酷者畫子愚出畫示客癡孫環
索飭舊醅已無多暫可支醅酌客去憂端來睡不五鼓醒

李季翁親家生日

城東待石園管年我棲止時當八九月來自瀟湘汜君方構園
稿一撲出萬詭故人楊紫卿詩心兼畫理爲致永州石不脛自
千里崆嶒峙頭爲玲瓏露筋髓忽親若眷孺忽幻若仙鬼旁蔭
眾竹林倪瞰曲沼水我時膺微病愛客強倒屣君徧交雋流問
奇日接趾潭潭邁古思汲汲談聞恥鼎彝如聖賢書畫比高士
吾徒來攻訛涎流復掌抵因之張酒軍又且築詩壘古人寄精
魄時賢共根氏宵登定王臺佳氣正燭此自余出山去十年曠
彈指扁舟逐野鷗回向湘江艤園屋頗荒寂問君何意旨君言

東洲艸堂詩鈔卷二十三

八

軍興後蕭索到城市石骨幸未頽花光不復綺主人踰半百未
衰先孀矣嗟嗟子胡然百事貴振靡烽煙況漸息湘波轉清泚
奇石解媚客聞我足音喜願君勤護惜先與滌垢滓翩然齋起
立睡醒相笑視環以好花木映茲古圖史金石壽萬年書畫壽
千祀與石同不朽祥雲常繞几靈芝日日生芬馥閒蘭芷供養
季翁翁承承受福祉

研蓀以詩代柬荅子敬弟酒後率和其韻寄子敬弟小

橋

小橋距城七十里隔日必展叔子書無如見面大不易似地兩
角天兩隅最羨鄉居布衣履自視渾忘農與儒我昨東游九溪
洞山風吹髮兩潤鬢往來小橋得信宿窪畦有芋池有魚果是
吾家兒女好繞却洛誦矜鴉塗遂令伯伯笑脫口一庭樂事環

妻孥別來忽又念餘日河西兩叩尖山嶠每鄉閒歸方拂塵羣
稚走出握衣趨弟兄叔姪盡孩孺沾帶書氣咸清腴秀才風味
到汝輩豪家富兒焉能如笑余不解樹藝事詠稽經史增煩紆
子於農書稍有得料量瓜疇兼芋區鄉間小旱蔬果乏不辭艱
勉求有無計從粵山起妖燄軍興十載稽天誅江南烽煙滿吳
越江北鐵騎援淮徐近者楚軍屢獲雋已由皖霍戡舒廬
嗣皇初政大整肅聯珠合璧應貞符愔哉將星一朝墜瞑目不
見公奏膚胡詠芝之逝遠近格之戎機雖已見回斡斯人殲折非天歎念
子學道日有進閱歷憂患夫豈徒今日幸得鄉井樂能不想
生悲吁梅根居士勤講貫文字賞析爲歡娛涓漣水道亦細事
乃似研鍊京與都我側聞之甚愉悅清氣勃勃生衣裾重陽風
雨忽已過或來補插紅葉黃

東洲艸堂詩鈔卷二十三

九日馬王廟和研蓀韻

老懷非復壯年同幽趣偏尋冷淡中菊信任荒彭澤徑今年未見菊

桐陰偏覆梵王宮廟中雙梧桐秋來始覺煙雲活醉裏猶能意氣雄

多少過江詩酒伴前游十載笑恩恩嶽麓登高者頗多

研蓀偕張星樓看山有詩索和

每到鄉邨怕入城深秋風物不勝清頻聞境外銷兵氣尙苦田

閒少水聲余屢下鄉農家甚苦秋旱把酒暫拋時世感兩君於田舍痛飲看山能說

去來情星樓精地理祇余一載頃簞樂節過菜萸別緒生子愚弟將入都

梅根居士飲胡恕堂中丞別業有詩索和復就近事書

懷皆次其韻

長沙幾處好池臺曠寄園中最豁開久宦笑看松樹長良朋能
爲菊花來別分小圃培雛橘巧構欵牆讓古槐難得主人真好

事不論時節勸持杯

痛絕

先皇聖智握靈臺初政憂勤日講開輔弼多慙經術淺儒風未
振寇氛來驚聞

鳳蓋游丹水痛絕

龍髯黯翠槐性命身心

溫訓在金莖何羨露盈杯

憶顧祠

祠宇十丈見方旁有唐井亭余得開成五年井闢置亭
中古雙松在祠北上下斜街古名上下槐街近年京師
吟社多在顧祠長椿寺松筠庵壽陽第

招賢自古說金臺昭代儒林顧子開十丈地容祠宇峙千年天

東洲艸堂詩鈔卷二十三

十

護井銘來經生歲釋春秋菜吟事街連上下槐多難益彰斯道
重幾人松院靜街杯

楚材

尺木能躋萬仞臺不圖生面十年開魁儒忍抱文章老大府多
從旅伍來玉璞未雕猶鐵石芷根何必盡蘭槐楚材到底叢科
目桂子秋荒鎖院杯

寄懷曾滌生欽帥聞軍中不廢詩字

元戎超躋自容臺文武兼資幕府開湘勇義風連隊起水軍奇
智破荒來上江大振垂天翼吳會難容飽蝨槐毅力獨肩軍國
重尙蒐石墨舉吟杯

輓胡詠芝宮保客臘在太湖大營小住三日深談造微
君爲懷感

書生白面早登臺正大光明萬障開才看紅旂安慶山驚聞素
旄武昌來憤因樓櫓遲杭葦感到軍民痛觸槐回想深談三日
夜千秋學術太湖杯

左季高太常究心乙部自統軍以來戰無不捷現奉

命援浙

東望廬黃有將臺當年懷抱振襟開天心閣上尋秋去待石園
中醉月來血戰功勛根正史頭銜

恩寵近宮槐望君如歲惟於越趁及西湖雪夜杯

秋早

秋深嬾上定王臺日氣薰蒸眼怕開晚稼難將農望補閒雲不
送雨聲來荒原愁詠王孫艸夾道空忙舉子槐時停鄉試最惱門前
瀟澹意化龍池水淺如杯

東洲艸堂詩鈔卷二十三

十一

入夏來桂花井吟事頗盛今研蓀將入志局爲之悵悵
習象產芝皆君家近事

送詩日日走輿臺炎節長時冷社開桂井坐看秋事過梅根誰
復苦吟來佳兒蝸篆蟠新竹破屋神芝吐壽槐須念怡芬翁寂
寞謂念園休貪官酒戀餘杯

廿六日開忠義錄書局於又一邨邨中有望湘臺聯珠
合璧八月瑞事

秋花環繞望湘臺又一邨中志局開耆宿競濡鴻筆俟風雲齊
護古魂來欽聞上瑞聯珠璧會見祥光照棘槐老鈍欣逢中興
日一編青史佐閒杯

研蓀約夜過談詩不至君本名汝槐今改汝懷

敢矜才氣擅吟臺詩境惟憑道力開我本苦心攢糞出人誇奇

想自天來淵源屈宋餘香艸井里牙夔有老槐良夜不聞寒展
至閒園冷看月如杯

俗鉤圍合碑爲近日快事吾硯從來不洗右腕漸頽研
孫時以爲慮

書勢如營百尺臺家傳風矩有先開名碑近喜雙鉤獲醉帖難
支百索來老硯茁生荒徑石勞肱筋似病餘槐頽唐轉笑奇姿
出折腳茶鑄竹瘦杯

看西臺治屋仍與芋園相接季眉住南巷釣樓九月齊
眉初度又抱弟三孫矣

齊年老友李西臺陋室重將粉壁開苦抱遺經如睡著忽驚華
構似飛來幽香已動新籬菊美蔭仍連隔院槐羨煞南垣眉季
好三孫環笑晉霞杯

東洲艸堂詩鈔卷二十三

十二

子敬弟躬耕於小橋山莊余於中秋往鄉子敬以重陽
來城兩日卽返

中秋噉茗憩平臺直到重陽笑口開篠犢苞從城裏去蹲鴟擔
自小橋來耕田不憚親鋤耜改火偏能辨栢槐話到咎年憂患
事那堪長歎屢停杯杭州初次破城時子敬以署糧道往滬杭
萬中娣孺等或自縊或投池隣姪及新婦
刑氏皆以罵賊被斫傷倒地經二時許賊
間官軍來遁去僕媼奔至救視俱得更生

子愚弟北上登舟未發憚次翁招餞於李仲雲芋園初
更始別

又從楚岫望燕臺兩槩遲遲未忍開沿磴重攀兄長話菊樽仍
爲故人來蛩聲一徑啼寒艸鴉陣千盤鬧晚槐卻爲隔城上船
早禁持別淚倒餘杯

礮石山房辛亥年徐星城飲余於此醉後所題也今適

僦居於此星城久作古人矣

鼠姑芍藥舊花臺紫桂紅蕉次第開已屆凋疏霜節後誰期爛
漫錦秋來舊題我未忘礪石一寢君先醒大槐繁敦於今蕭索
甚回頭風雨十年杯

秋來修葺九子山墓廬將移居焉

一徑松楸叩石臺茆軒舊傍享堂開半江涼雨催雲渡九日山
巢運甃來田水渴時勤堰過林陰疏處補樟槐兒今老作農家
子盛酒泥盆勝玉杯

秋後夜酌酒增矣

日繞經帷傍硯臺諸孫心孔已能開卻憐幼學親師慣次孫更
喜升高作賦來大孫不墜清芬傳簡素未須嘉蔭詡庭槐淺秋兒
女團樂樂鐙下書聲健酒杯

東洲艸堂詩鈔卷二十三

十三

廿六七日大雨

咸豐辛酉秋設局志忠義先後兩中丞淡心出詳議大夫來九
能識職各就次忠義錄發端於前中丞駱制軍今中丞毛公始
筆者為陳雪廬吳子登郭鈞仙丁果臣羅研孫吳蘭正當秋旱
屏鄧小耘提調者黃南坡收掌者李仲雲共九人
久是日大雨至疑是忠義魂驅使風雷勢滌惟十年來海內苦
兵事全恃楚南軍大振中原氣虢虢治經儒登壇為將帥次者
職偏裨亦或備軍吏其餘各義民多勇或少智水陸相後先何
止十萬計蓋臣迫捐軀優卹子廕諡拔戟皆慘烈許照陣亾例
芻及幕中友子女竝僕侍有奏卽予旌有祠必附祀其實在此
列十中僅一二其它十七八難稽名姓地鬱茲精靈多乃作水
旱沴為語載筆人事異表忠記傳聞恐失眞闡幽貴菟墜允宜
廣咨度未可意軒輕烏乎吳越蜀逆氛尚熾仍賴湘中軍二

千里赴利離鄉日以遠風土各殊異運餉越艱險又難刻期致
吾囿儻空虛它寇慮潛伺羣力事易肩客兵戰所忌欲善誰不
如凡百思代匱豈堪一隅力坐使天下媿雨聲非不佳又恐愁
霖恣於我生民何念此不可寐

九月廿八日蔬盤小集黃月崖以詩謝次韻奉荅

三人六十有三同餘子年鈴上下中朱履七旬宜異席黃花一
畝自成宮鄂跼竝占蓬山貴蘭玉爭看采筆雄想見介翁多樂
事下階履齒莫慰恩

嫺黨中胡恕堂李西臺與余同庚皆六十
三易念園六十八黃南坡六十七羅研蕪
李季眉皆五十七九月初四日七十誕辰爲最長哲
弟黼卿恕皆皆由詞垣通籍文郎五人俱少慧能文

萬卉千葩豔不同一年春聚晚香中綠籬采菊金兼玉隔巷敲
詩商應宮儘有琴尊供嘯傲未須冠劍鬪豪雄閉門靜聽琅
誦馬驟車馳任促恩

君書齋題晚香書室近日與
念園恕堂研蕪輩唱和甚密

東洲艸堂詩鈔卷二十三

十四

蛻公蹤迹野雲同甚暑羈棲城市中乍喜清風穿鶴徑淡愁寒
雨溼牛宮文章信有歸來好意氣惟看後起雄相視老痕齊上
面翦鐙長話苦慰恩

今年長沙酷熱余欲移居
九子山莊屋修葺未竟

錦繡秋光處處同收歸連夜雨聲中桂花落盡馬王廟梧葉猶
鳴斗母宮梁上燕巢前月冷埭閒雞唱五更雄無端棖觸前游
事一癡黃梁頗促恩

當年齊相論和同不外鹽梅水火中快雨正欣滋菜甲膏腴或
恐滯脾胃脞胥象約徒依附春韭秋菘各長雄三五杯盤飾荒
陋咄嗟能怨太恩恩

次韻和易念園對菊書懷四首

癭影春明捷似梭卅年朋好已無多久離香案甘閒放歸與怡
芬共嘯歌秋水不如詩境澹晚霞空效酒顏酡近來

輦下新圖障鸞鶴何從問舊窠

冠蓋奔馳類擲梭古懷還是閉門多星沙秋色清宜畫桂井幽人靜自歌近市菊花何礙瘦向陽楓葉不辭醜兩翁襟抱同冰雪舊日寒梅活幾窠

羣芳代謝劇飛梭看菊何論少與多爛漫千枝堪痛飲空崎數朵亦高歌歌將激處還愁破酒漸酣時不必醜萬事畱餘滋味足幽居未羨錦成窠

斜風細雨鎮拋梭織盡秋光萬丈多論事靜披前代史偷閒聊聽稚孫歌忽聞破屋驚防漏暫闕清尊不忍醜水旱可虞兵未洗瘡痍滿眼似蜂窠

黃月厓秋山補讀圖

暖爰讀書鈍難破日或忘滄夜失臥朝朝止似發蒙初恨少巖

東洲艸堂詩鈔卷二十三

十五

師督程課月厓老人意又殊淡宵補讀少年書不知應補何卷帙日日溫尋仍故吾精力差池漸非少心光所燭老方耀秋山水落煙雨寒閩壑清風號萬窠

補敘中秋後一日九谿洞之游次韻荅彭子蕃本與君有約君因待它友遂遲遲未至

九谿之洞久願游望似縹渺仙人樓忽因看雨縱步至攬結長沙無限秋雖有山人導先路未免捷足慙其儔君問九谿有何妙聽我閒話須從頭大禾冲畔君家住我出東門見煙樹樹古山渡何處邨主人遲歸客疑謬余到大禾冲君後至助人奇興由天公飛來片月能相從塘腰嶺腳總清曠軒亭盡與山光通翩然走尋

小橋小中秋住子敬處無月弟姪歡呼到何早前宵有月中秋無一寢醉

乘雲浩沓大雨縵客驅羣龍不圖今有游人蹤九谿竝力穿洞

過千盤百折能春容昂頭步出洞門外轉覺天高萬山隘谿聲
挾雨如雷霆似訴狂流遭扼礙半年游事此最豪不待九日方
登高念君印須未卽往懸想使我中心勞

謝胡恕堂送菊

蛻翁開府在浙中蛻姿持節觀蜀風翩然歸來若先後疏散情
性相視同蛻姿太拙無立壁回鄉儼屋如寓公蛻翁粗略具園
屋卅載營葺清俸空園中有水有竹木今年好事添種菊先時
苦潦後苦旱荒到黃華瘦且突時招蛻姿相嬉娛謂是慰情良
勝無豈知蛻姿傲成癖何處菊非我有乎蛻翁相視如肺腑婉
言移贈求聽許送來一擔三十窠雨後鮮鮮皆帶土蛻姿喜極
呼詩孫搜刮醬鉢與壺盆昨日無園固無菊今日有菊斯有園
蛻翁種花將十畝畀此區區亦何有止憐今夜東籬尊獨對月

東洲艸堂詩鈔卷二十三

十六

明憶蛻姿

恕堂首唱白菊花詩月厓念園研蓀皆和之余亦次韻

得五首

半生蹋徧輾紅街歸對幽花愜素懷冰雪正宜勤印證丹鉛無
事巧安排欣逢老圃秋香晚最稱東籬夜月佳餐到落英尤愛
惜瓊瑤咀嚼勝清齋

嘉名題徧小牙牌花樣雖殊共雅懷自抱芬芳念色相忍將黃
紫強驅排拈髭頗媿酡顏映插髻還宜素面佳欲畫先愁難著
墨薄紗晴日寫蕭齋

秋後尋秋曳破鞵瓊尊到處儘傾懷瞰湘樓畔千珠麗聽雨堂
前萬玉排送酒時逢白衣至論交果是素心佳歸來夜氣明如
雪一笑敲門月到齋

恕堂仲雲兩處菊事
俱盛余爲茗芋屢矣

矍鑠羣賢洛社儕相忘霜鬢動幽懷金英嘉會聯翮集白雪新
詞次第排如此風神何處寫不施塗澤自然佳疏枝伴我清如
水孤賞惟宜閉小齋

敢云高格俗難諧化盡今情與古懷太素靈根原不落重陽猛
雨漫相排未霜早已經霜鍊無色甘輸有色佳卻洗繁華成澹
泊吉祥虛室悟心齋

恕堂惠和謝菊詩旋遊嶽麓三日而返次韻奉柬

軍興棲棲十二載何處高人有邁軸白日出矣燭將息尙爾紛
爭等蠻觸惟君與我野逸性耽狎山水如骨肉無端天許略識
字蠖鹿形骸點科目宦海翩然一櫂返君粗有園我無屋偶然
木鴈見參差仍似雲龍同起伏知君不日出山去

聖人構廈方求木我甘瓠落自頽放羸得閒身蒔梧竹九子山

東洲艸堂詩鈔卷二十三

十七

巢事補葺百家田莊竟虛驚秋後尋秋處處好不問誰家飽看
菊醉時狂呼酒星下醒後靜知霜氣肅菊花漸瘦詩情肥風露
淒清飽蟬腹最後東籬潔白姿幻出大灣文字福君居處本名大灣羨
君吟罷去游山閒似白鷗健黃犢多年節院飮官膳尙解農家
甘野菽題詩作記真便好何必歐九與孟六

畱菊柬熊雨臚陳海陽兩君卽日別去故有次首

非秋能有菊惟菊實有秋所以秋去遠金英氣方邁連夜霜候
肅稍令剛情柔屈伸亦任運造化本同流孤枝尙自豪寒節不
敢讎婉婉詩人心欲挽臨去軒或云此花性不隨人去畱援之
亦可止琴酒與自由何必柴桑隱不與柳下儔

豈無青青松亦有森森竹雖然其情性未可借食病惟有此花
意冷逸不嚴肅遂使好事人招邀來不速雖多不嫌煩雖少不

見獨昨日兩詩凌吟聲忽相屬合併豈偶然雷客竝雷菊客如
不可畱請菊入我屋伴我歲寒時
棲棲幾枝足

次韻和黃月厓畱菊二首

佳色雖分紫白黃居然一例耐清霜人心易厭希斯貴天意偏
鍾晚更香真有性情如遜士目矜風骨殿羣芳若非寂寞蕭閒
慣誰識東籬氣味長

計從分種漸撈枝看到花開似少遲恆久足酬培護力貞元豈
斷息消時半庭別思吟鞦繞昨夜嚴寒酒釵知賴有早梅堪索
笑莫將來去苦思維

梅根居士屬題桂井尋秋圖

笑我詩成句已通梅根拈得恰成圖千年桂井閒來訪滿紙秋
痕爛可呼勝友賡酬匹韓孟癡孫濡染到顛迂老暖醉仿公方

東洲艸堂詩鈔卷二十三

十八

表風戰芭蕉雪片麤

已不
少矣

居士因余有走桂花井尋秋痕之句始令
吾孫鍾會畫是圖而屬余書首友朋題句

門人朱睂君自粵來湘小住邀同遊曠寄園主人恕堂
中丞畱飲薄醉後口占冀諸君同詠同坐有葉東卿太

翁

幾處看花有酒香蛻園古說破天荒小畦殘菊雖零碎畱與羣
仙醉夕陽

題門人朱睂君詩卷時由粵東來即返蜀也

自都南行莽行路自粵東來西蜀去睂君別後壯游詩是我蒼
茫未收句爛若雲霞捷似風江情海思一鐙紅愛惜年華勤樹
立休將褐玉付恩恩

九子山集奉荅沈小颿

一別河西又十年論交況是廿年前欲將出處從頭說澗樹巖花盡黯然

九子山前闢艸廬享堂營構識君初傳家自有遺經在未恃司

空城旦書符公雪友先生著有讀經心解

山巢曾啟授經堂歲晏門生種樹忙吾友喜擎奇木至更將佳

記潤瀧岡辛丑夏先公葬後余授徒於山廬秋冬間門人種樹君亦送植嘉木且爲作種樹記

笑我游蹤不可轡雲煙染盡使臣衣春風又返湘江權五嶽奇

嵐滿眼飛辛酉二月回湘

盛暑披襟訪小颿酒杯未舉寢先饒兩翁一醉連晨暮赤日薰

簾月照衫

書聲難得野廬聞幼子童孫盡誦芬欲識百年門第舊玉蘭丹

桂已凌雲

東洲艸堂詩鈔卷二十三

十九

一家忠義氣峻嶒毅魄須知舊德憑畱得白頭真健在青燈老

屋課孫曾折兄間衣先生橋梓後先殉難

土銼甄鑪老瓦盆庭軒轉見樸風存當年累石栽花地入望青

青化菜園管年花園全皆作菜園

秋來吟事劇縱橫細雨斜風送滿城昨夜月明霜信緊高空野

鶴一聲聲

山中日日有詩筒奔走耕奴與牧童老健吟聲若飛雨湘西頃

刻到湘東

暖翁一墮水雲鄉擬把漁竿入渺茫吾子拳拳天下事濟時懷

抱幾曾忘

安排江畔載書舟移置山巢木板樓傳與兒孫勤講貫丹鉛何

敢問千秋

南坡處飲歸得念園研生和逋字韻詩漫成三律

謝客局門懼索逋園鑪品畫亦良圖連宵雨雪天難醒晏歲鷗
鴉陣亂呼半世游蹤知太縱歸來生事亦何迂薄田易買今難
賣頗悔躬耕計慮麤

五夜雞聲忽欲逋巖寒况對北風圖偶逢名酒能頻酌無那鄰
翁不可呼研生久不見過蕉竹任填荒徑滿兒孫休笑老翁迂來年春

水孤舟起試擘滄江雪浪麤

雪後城頭烏尾逋宛園寒色自成圖羣賢雅集真非偶賸麥敲
門不待呼轟坐高談杯易倒沿池獨步路忘迂歸來快展新珠
玉銷盡筵前意氣麤

贈張潤農同年時相約明春晤於桂林

南山之南北北健翮扶搖有神力妖氛一瞬十餘年壯志安

東洲艸堂詩鈔卷二十三

二十

能六月息張君驅賊如驅風怒馬獨出先騰空超峰越澗止平
地百戰百勝難爲功張君使筆如使弩落紙聞聲作奇雨詩壇
勁敵靡不摧迅露才鋒仍媚嫵同舉令將三十春是科得士盛
莫倫益陽宮保大星隕文武兼資更幾人如君才氣今誰偶每
接雄談甘縮手衰庸謬辱過推激精力何堪重斗擲使蜀歸來
百計休艸屋已葺尖山陬尙擬編摩了殘債敢云著述期千秋
平生魂縈山水縈但覩高溪腰脚健連宵飽聽桂林奇杖策相
隨待接迨

朝綱大振方中興民心士氣皆軒騰看君慷慨樹勛績更莫遲
回畏友朋

爲長孫鍾曾授室武陵余氏詩以賜之

好風吹送武陵船恰趁吟梅詠雪天湘上更添歸隱樂鍾山迴

憶抱孫年承歡喜晉重闈酒佐讀精求古聖編教愛無忘曾祖
母長思勤儉是家傳

東坡生日作柬研生

連晨清理古簡編漸向九子山巢遷欲雪不雪天蛭蛭老蟻
躡卻復前羅子片語相詢研問予壽坡曠何年子笑欲答口
遺賢豪自古星岳懸獨於坡也何私焉豈非節義文章全兼以
諧藻輝山川愛極頑豔包媼妍皆藉是日稱祝虔我半生來與
几筵每偕韻士勤周旋自喜跌宕無拘變或謂蹤跡同髯仙誠
有微尚願勉旃野鶴敢效雲鵬騫咄哉倘儒沈石天謂宋無詩
三百年大瓢頗負金石詮謂坡書遜涪與顛篁墩自詡洛緒延
復九世讎吁可憐是皆蓬陋迷愚賢蚍蜉撼樹自僵痕紫陽大
儒操聖權詆訶蘇王指微愆介甫豈竝和仲肩閩蜀分黨恐太

東洲艸堂詩鈔卷二十三

二十一

偏我嬰此惑心悵悵羅子或解茲縛纏聞君將回石潭淵我亦
欲買瀟疑船芋園山茶紅欲然梅花亂開花萬千何不少緩風
颿翩但有刻暇莫唐捐尙可命酒相編擬時逼歲除萬慮填壽
坡且乏一穢圓聊與感慨寫是篇我公千載歸病蹙下視人世
如鷺眠是非毀譽空雲煙

研生將返石潭度歲次韻奉懷訂明年早來之約

翦燭澹譚每入魔漫嗤文字類蛛窠詩懷萬里寥天鶴書勢千
年宛頸鴛求友古歡勤會合表忠新錄待蒐羅長沙春色珍無
價休戀石潭煙水窩

次韻荅念園

鎖院多年入秘魔後先聯步占高科君戊子己丑
余乙未丙申星曹君似追
風驥瀛海余同泛渚鴛老去江山同几席向來名位似浮羅梅

花四壁書圍坐便是淡冬錦繡窩

東洲艸堂詩鈔卷二十三

二十五

